

摘藻堂四庫全書薈要

史部

欽定四庫全書叢要

史部

御定月令輯要卷五

詳校官編修臣繆晉



欽定四庫全書會要卷七千五百

御定月令輯要卷五

正月令

天道

天地交泰

增易天地交泰集義粹言泰通也天地交而二氣通正月之卦也子為天正丑為地正寅

為人正自子至寅三陽生而三才之道備故曰天地交泰

日在營室

原禮孟春之日在營室集說營室在亥娵訾之次增淮南子天一元始正月建寅日月

俱入營室五度天一以始建七十六歲日月復以正月入營室五度無餘分名曰一紀

中星

原禮昏參中旦尾中集說昏時參星在南方之中

之宿尾東方蒼龍之宿蘇軾元日次韻詩得句牛女夕轉頭參尾中

律中太簇

原禮律中太簇集說太簇寅律長八寸白虎通正月律謂之太簇何太亦大也太簇者湊也

言萬物始大湊地而出也增呂氏春秋注太簇陽律也竹管音與太簇聲和太陰氣哀少陽氣發萬物動生湊地而出故曰律中太簇宋書律志太

簇之數七十二主正月下生南呂

東風解凍

原禮東風解凍增淮南子注東方木火母也氣溫故東方解冰凍也王季則詩北陸收寒

盡東風解凍初元稹詩何處生春早春生冰岸中尚憐扶臘雪漸覺受東風

盛德在木

原禮先立春三日太史謁之天子曰某日立春盛德在木天子乃齋注春為生天之生育



盛德在於木位增張彙春風扇微和詩木德生和氣微微入曙風

司天

原禮乃命太史守典奉法司天日月星辰之行宿離不貸毋失經紀以初為常注謂其屬馮相氏保

章氏掌

天文者

限月

原爾雅正月為限疏正月得甲則曰畢限按得丙則曰修限得戊則曰厲限得庚則曰室限得壬則

曰終限此可類推

農祥晨正

原國語農祥晨正日月底於天廟土乃脉發注農祥房星也晨正謂立春之日晨中於午

也農事之候故曰農祥增石貫籍田賦紺轅塞路青輅巡塲叶農經而授事指晨正而告祥

土膏

原國語陽氣俱烝土膏其動注烝升也膏土潤也增獨孤授寅賓出日賦木位植於扶桑初杲杲以

出土膏潤於南畝且澤澤其耕石貫藉田賦執紅  
紉親黛耜四顧而溝塍砥平三推而土膏脉起

贊陽出滯

增國語二曰太簇所以金奏贊陽出滯也注  
正月曰太簇乾九二也言陽氣大奏達於上

也太簇正聲為商故為金  
奏所以佐陽發出滯伏也

協風至

原國語先時五日瞽告有協風至注協和也風  
氣和時候至也立春曰融風增王起瞽者告協

風賦先王所寶惟穀所天  
惟食必俟協風以候力穡

月暈圍

增史記天官書白帝行德以正月二十日  
二十一日月暈圍常大赦載謂有太陽也

建正

增史記歷書昔自在古歷建正作於孟春索隱案  
古歷者謂黃帝調歷以前有上元太初歷等皆以

建寅為正謂之孟春也及  
顓頊夏禹亦以建寅為正

人統

增漢書律歷志正月乾之九三萬物棣通族出於寅人奉而成之仁以養之義以行之令事物各得

其理寅木也為仁其聲商也為義故太族為人統春秋感精符人統月建寅物生之端謂之人統夏以為正

月從左行

增淮南子斗杓為小歲正月建寅月從左行注第五至第七為杓

歲星舍室壁

增淮南子太陰在辰歲名曰執徐歲星舍營室東壁以正月與之晨出東方翼軫為

對

招搖指寅

原淮南子孟春之月招搖指寅注招搖斗建晉書樂志正月之辰謂之寅寅者津也謂生

物之津塗也增劉長卿歲日作建寅迴北斗看厯占春風冷朝陽詩臘盡星迴次寒餘月建寅

陽氣出地

增春秋繁露陽氣以正月始出於地生育長養於上

氣濁而青

增春秋繁露日冬至七十二日木用事其氣燥濁而青

俊風滌凍

原夏小正時有俊風寒日滌凍塗傳俊者大也大風南風也合冰必於南風解冰必於南

風滌也者變而暖也凍塗者凍下而澤上多也增王起

東郊迎春賦八鑾振響隨解凍之和風五輅騰輝映麗

天之遲日李咸用春雨詩大帝

間吹破凍風青雲融液流長空

斗東指

增孝經緯距日冬至四十五日斗指東北維為立春鶡冠子斗柄東指天下皆春杜安世元旦

詞玉燭光明正旦好斗柄東回春太早

嶺寒猶鎖去年梅江暝新催今歲草

三著體成

原易乾鑿度三微而成著三著而體成當此之時天地交萬物通也

猛風至

增易通卦驗正月中猛風至注猛風動揺樹木有聲者

雷始動

增論衡正月陽氣發泄雷聲始動徐璣新春喜雨詩農家不厭一冬晴歲事春來漸又形昨夜

新雷催好雨疏  
畦麥隴最先青

十三月

增獨斷夏以十三月為正律中太簇言萬物始蘇而生故以為正也

萬物隨陽

增晉書樂志正月之管謂之太簇太簇者

孟陽

原梁元帝纂要正月孟春亦曰孟陽上春初春開春發春獻春首春首歲初歲開歲發歲獻歲肇歲

芳歲華歲增王勃春思賦會當一舉絕風塵翠蓋朱軒臨上春李邕春賦我聖君大撫萬國肆觀羣后受天之

禧嘉歲之首檀約陽春歌  
青春獻初歲白日映雕梁

瑞雪

增唐會要元和二年正月辛卯郊饗獻之次景物澄霽及鑾輿就次則微雪大駕將動則又止翌日

御樓宣赦畢  
瑞雪盈尺

銅渾更始增歲華紀曆星始運於銅渾注銅渾以應天之星數目正月則銅渾更始以測一年之星度

人正增宋史樂志太簇之律生氣湊達萬物於三統為人正於四時為孟春故元會用之

登明原夢溪筆談六壬天十二辰亥曰登明為正月將謂之合神又謂之太陽過宮合神者正月建寅合

在亥太陽過宮者正月日躔陬訾登明者正月三陽始兆於地上見龍在田天下文明故曰登明

一月增容齋三筆秦始皇名曰政自避其嫌以正月為一月

治水龍增雞肋編按天官歷歷日中治水龍數乃自元日之後逢辰為支節是得寅卯在六日為豐年

兆之

萬物廣演

增蠡海錄寅居東北陰陽之交離陰而詣陽敷布而條暢寅者演也萬物至此而廣演矣

甘露頌

增玉海淳化三年正月丙辰舒州言甘露降靈仙觀三清閣前栢木畫圖來獻上以示近臣宰

相李昉等表賀詔楊

億試舒州進甘露頌

元宵風

增農政全書元宵前後必有料峭之風謂之元宵風劉雲寰元夜詞景龍天氣正餘寒料峭輕

風簾

幙

日躔

原通書立春日日在虛二度後十二日入酉初一刻後十三日出卯正二刻雨水日在危九度後十

二日入酉初三刻十

三日出卯正一刻

日鍊魄

增雲笈七籤立春之節日更鍊魄於金門之內耀其光於金門之外四十五日乃止

發陽

增雲笈七籤孟春是月也天地俱生謂之發陽天地資始萬物化生夜卧早起以緩其形

三素雲

原雲笈七籤立春之日三素元君上詣天皇大帝遊宴之時當以其日沐浴齋戒清朝入室燒

香行禮東北向叩齒十二通仰思紫綠白三色之雲東北而迴心念微言祝畢仰嚥八炁行之八年三素之雲八輿飛輪迎之上昇帝宸增李季何立春日曉望三素雲詩靄靄青春曙飛仙駕五雲浮輪初縹緲承蓋乍氤氲薄影隨風度殊容向日分羽毛紛共遠環佩杳猶聞靜合烟霞色遙將驚鶴羣年年瞻此御應許從元君李商隱詩九枝燈下朝金殿三素雲中侍玉皇蘇軾春帖子萬年枝上著春色三素雲中望玉宸

吉日方

原居家必用天德丁月德丙天德合壬月德合辛月建寅月恩丙天馬午驛馬申吉期卯陰德



酉陽德戌  
六儀辰

## 節序

青鳥鳴

原左傳青鳥氏司啓者也注青鳥鶡鵒也疏立春立夏謂之啓此鳥以立春鳴立夏止故以名

官使之主

立春立夏

四時卒始

原史記天官書立春日四時之卒始也注是去年四時之終今年之始也增左思蜀都賦

若其舊俗終冬始春吉日  
良辰置酒高堂以御嘉賓

遣使循行

原漢書谷永傳立春遣使者循行風俗宣布聖德矜恤孤寡問民所苦勞二千石敕勸農

桑母奪

農時

立春

原淮南子大寒加十五日斗指報德之維則越陰在地故曰距日冬至四十六日而立春陽氣凍解

音比

南呂

雨水

原淮南子立春加十五日斗指寅則雨水音比夷則

四海出雲

原淮南子主述訓注立春後四海出雲

陽雲出亢

增易通卦驗雨水日黃陽雲出亢

艮王

增樂緯艮主立春樂用損原周易集解成言乎艮崔憬曰立春則艮王萬物之所成終成始也增續

文獻通考艮音也其風融其聲崇聚立春之氣也

門無扃鑰

增孝經鈞命訣立春敕門闌無扃鑰以迎春之精下弓戴楯鼓示時聲動昆蟲也

赦小罪

增五經通義立春條  
風至赦小罪出稽留

賜束帛

增後漢書禮儀志立春遣使者齎束帛以賜文  
官古今注建武八年立春賜公十五匹卿十匹

寬大書

原後漢書禮儀志立春之日下寬大書曰制詔  
三公方春東作敬始慎微動作從之罪非殊死

且勿案驗皆須麥秋退貪殘進柔良下當用者如故事  
增蘓軾謝賜歷日表歲頒正朔蓋春秋統始之經郡賜

璽書亦漢家

寬大之詔

土牛耕人

增後漢書禮儀志立春之日夜漏未盡五刻  
京師百官皆衣青衣郡國縣道官下至斗食

令史皆服青幘立青幡施土牛耕人於門外以示兆民  
原論衡立春為土象人男女各二秉耒鋤或立土象牛  
順時應氣示率下也增事物紀原周公始制立春土牛  
常惟堅立春出土牛賦冬官歲事牛人乃出將協地紀

克符天秩約歲時之儉泰示農耕之遲疾首魏魏以山  
聳角戢戢而林錯制以紅縻飾以丹雘出北陸以送寒  
佇西成而取獲冷朝陽立春詩土牛呈歲稔綵燕表年  
春范成大立春郊行竹擁溪橋麥蓋坡土牛行處亦笙  
歌

迎春東郊

增後漢書祭祀志立春之日皆青幡幘迎春  
於東郭外令一童男冒青巾衣青衣先在東

郭外野中迎春至者自野中出則迎者拜之而還唐中  
宗立春日遊苑迎春詩迎春正啟流霞席暫囑曦輪勿  
遽斜韋縝讀春令賦載青旗之容與服蒼玉  
之璘玢辨色而金貂列位迎春而玉輅迴輪

火卦用事

增後漢書郎顗傳立  
春之後火卦用事

論囚避立春

增後漢書陳寵傳蕭何草律  
季秋論囚俱避立春之月

豕韋之次

增月令章句自危十度至壁八度謂之豕韋之次立春驚蟄居之衛之分野

迎春樂

原皇覽逸禮距日冬至四十有五日迎春於東堂堂高八尺堂階三等青稅八乘旗旄尚青田

車載矛號曰助天生鳴之以角舞之以羽翟此迎春之樂也

進漿粥

原四民月令立春日進漿粥以導和氣

管灰候氣

原物理論立春日取弘農宜陽金門山竹為管河內葭草為灰以候陽氣

宜春

原荆楚歲時記立春日寫宜春二字貼於門庭楣柱增遼史禮志立春婦人進春書刻青繒為幟像

龍銜之或為蟾蜍書幟曰宜春王珪

春帖子年年金殿裏寶字帖宜春

綵燕

原荆楚歲時記立春日剪綵為燕戴之增李遠立春詩釵斜穿綵燕羅薄剪春蟲鄭獬詩漢殿鬪簪

雙綵燕併知  
春色在釵頭

觀雲色

增隋書律歷志後齊參軍信都芳深有巧思能以管候氣仰觀雲色嘗與人對語即指天曰孟

春之氣至矣人往驗管而飛  
灰已應每月所候言皆無爽

讀時令

增隋書禮儀志後齊立春日皇帝服通天冠青介幘青紗袍佩蒼玉青帶青袴青襪舄受朝太

極殿尚書令等坐定三公郎中詣席跪讀時令訖  
典御酌酒卮置郎中前郎中拜還席伏飲禮成出

迎靈威仰

增隋書禮儀志春迎靈威仰者三春之始萬物稟之而生莫不仰其靈德服而畏之

祀青帝

原舊唐書禮志武德貞觀之制每歲立春日祀青帝於東郊帝安義配勾芒歲星三辰七宿從

祀

幡勝

原千金月令唐制立春日賜三省官綵勝增百陽

之首或綴於花下又剪為春蝶春錢春勝以戲東京夢

華錄宋立春日自郎官御史寺監長貳以下皆賜春幡

勝以羅為之宰執親王近臣皆賜金銀幡勝韋莊立春

詩雪圃乍翻紅菜甲綵幡新剪綠楊絲周美成春帖子

曉開魚鑰朝衣集綵勝飄揚百辟冠蕪軋減字木蘭花

詞春幡春勝一陣春風吹酒醒胡浩然立春詞最好是

戴綵幡春勝

釵頭雙結

食雞辟疫

增時後方冬至日取赤雄雞作腊至立

迎春髻

增炙轂子錄漢之迎春髻立春日戴元好

氣首

增五代史司天考晉司天監馬重績起唐天

寶十四載乙未為上元用正月雨水為氣首

春帖子

增溫公日錄翰林書待詔請春詞以立春日剪帖於禁中門帳皇帝閣乾淳歲時記學士院撰

進春帖子帝后貴妃夫人諸閣各有定式絳羅金縷華筵可觀

春盤

原四時寶鑑東晉李鄂立春日以蘆菹芹芽為菜盤相饋貺又立春日薦春餅生菜號春盤增乾淳

歲時記後苑辦造春盤供進及分賜貴邸宰臣巨璫翠縷紅絲金雞玉燕備極精巧每盤直萬錢

御製春盤詩小摘園中露新香糝作羹歲和欣有兆甘菜

已春生

增歐陽詹春盤賦假盤孟而作地疏綺繡以為珍叢林具秀百卉爭新杜甫立春詩春日春

盤細生菜忽憶兩京梅發時盤出高門行白玉菜傳纖手送青絲蘇軾詩青蒿黃韭簇春盤陸游立春詞春盤春酒年年好試戴銀幡判醉倒



鞭春牛

原乾淳歲時記立春前一日臨安府進大春牛設於福寧殿庭及駕臨幸內官皆用五色絲綵

杖鞭牛御藥院例取牛睛以充眼藥餘屬直閣婆掌管預造小春牛數十節綵繡雪柳分送殿閣巨璫各隨以金銀錢彩緞為酬臨安府亦鞭春開宴東京夢華錄立春前一日開封府進春牛入禁中鞭春開封祥符兩縣置春牛於府前至日絕早府僚打春府前百姓賣小春牛花裝欄坐上列百戲元稹春生詩鞭牛縣門外爭土蓋蠶叢陳傅良立春詩千官勒馬謝幡勝萬國鞭牛占雨晴

洞庭春色

原撫言安定郡王立春日以黃柑釀酒謂之洞庭春色

立春瑞雪

增玉海淳化四年正月乙未大雨雪上作立春瑞雪詩三首賜近臣張九齡立春晨起

對積雪詩忽對林庭雪瑤花處處開今年迎氣始昨夜伴春迴

鶉鵲鳴

增本草綱目春秋運斗樞云立春雨水鶉鵲鳴鶉與鶉兩物也形狀相似俱黑色

神水

增本草綱目立春日貯水謂之神水釀酒不壞

日次子位

增祛疑說日次子位當虛宿之躔度而立春虛乃子位之正天中之一陽也天道左旋日

次子而為春之正月

水氣流行

增吳萊二十四氣論立春正月節雨水正月

自秋分水始涸立冬水始冰冬至水泉動大寒水澤腹堅今日雨水者先是為露為霜雪皆水氣凝結以至於寒之極春則水氣流行而又為暑之始也

推立春歌

增輟耕錄推立春歌括云今歲先知來歲春但隔五日三時辰謂如今年是甲子日子子時

立春則明年合是  
己巳日卯時立春

求立春訣

增輟耕錄歌曰若要求立春相衝對食神閏月無中氣說與惺惺人注假如前九年甲子

日立春甲食丙子衝午即今年  
丙午日立春也二十四氣准此

打春

增武林舊事立春日作土牛迎市以芒神置前至暮以細花杖打牛謂之打春

暖生萬物

增群書要語笙生也等暖也  
立春之氣暖生萬物者也

占奏

增續文獻通考凡每歲立春日欽天監官往順天府候氣回監具呈依書占奏

演春

增西湖志餘立春前十日縣官選集優人小妓教習數日謂之演春

街道士

增西湖志餘立春日郡守率僚屬往迎前列社夥殿以春牛士女縱觀闐塞市街其優人之長

者假以冠帶騎驢叫躍以  
隸卒圍從謂之街道士

陳百戲

增閩部疏閩俗迎春日多陳百戲盛亭臺之飾坐嬰兒高檠上兒皆慣習飲噉自若了無怖懼

千夫百騎繞堂皇而出  
唱呼跳舞勞以厯書

牛角土

增法天生意立春日取牛角上土置戶上宜田

咬春

增蕪史立春日無貴賤食蘿蔔曰咬春

賜春餅

原蕪都遊覽志凡立春日於午門賜百官春餅增申時行謝賜春餅詩紫宸朝罷聽傳餐玉餌

瓊肴出大官齋日未成三

爵禮早春先試五辛盤

火生

原月山歌立春一候火方生

木榮

原月山歌雨水之時木始榮

豬膽

增邵真人經驗方臘月初一日取豬膽不拘大小五六枚用黃連青黛薄荷僵蠶白礬朴硝各五錢

裝入膽內青紙包了將地掘一孔方深各一尺以竹橫懸此膽在內以物蓋定候至立春日取出待風吹去膽皮青紙研末蜜收喉風閉塞每吹少許神驗

刻玉簡

增登真隱訣太極真人常以立春日日中會真人於太極宮刻玉簡記仙名

春朝沐浴

原雲笈七籤上學之士服日月皇華金精飛根黃氣之道當以立春之清朝煮白芷桃皮

青木香三種

東向沐浴

鍊形隱空

增雲笈七籤藏形匿影之術當以立春之日平旦入室向東北角上坐思紫雲鬱鬱從東

北角上良宮中下覆滿一室曉冥內外良久紫雲化為  
九色之獸如麟之狀在我眼前因叩齒三十六通而微  
祝畢便九嚙止閉目雲氣豁除便  
服靈飛玉符修之一年形常隱空

建善齋

增雲笈七籤三洞奉  
道科立春為建善齋

沈佺期迎春應制

增東郊暫轉迎春仗上苑初飛行慶  
杯風射蛟冰千片斷氣衝魚鑰九關

開林中覓草纔生蕙殿裏爭花併是梅  
歌吹銜恩歸路晚棲烏半下鳳城來

宋祁立春詩

增春時靈旗畫尾斜漢宮青幘望晨霞  
宮中綵樹紛無算不待東風已作花

朱子鉛山立春詩

增行盡風林雪徑依然水館山村  
却是春風有脚今朝先到柴門

日次

初一日

元日

原書月正元日傳月正正月也元日朔日也增事物紀原伏羲初置元日張衡東京賦孟春元日羣

后旁戾百僚師師于斯胥洎蕃國奉聘要荒來質具惟帝臣獻琛執贄晏殊元日詩三百六句初一日四時嘉序太平年霓裳絳節修真錄步武祥雲奉九天

上日

原書正月上日增北史李業興傳梁武問尚書正月

得知業興曰案尚書中候運衡篇云日月營始故知夏正馮衍銘元正上日百福孔靈

朔旦

原書正月朔旦增路史有虞氏命禹正月朔旦受命於神宗於時八風循道卿雲叢叢俊乂百工胥

和而歌

履端

原左傳履端於始序則不愆疏履步也謂推步歷之初始以為術歷之端首增減榮緒晉書履端元

日正始之初庾闡揚都賦歲惟元辰陰陽代紀履端歸餘三朝告始

甲子朔

原左傳晉悼夫人食輿人之城杞者絳縣人或年長矣無子而往與於食有與疑年使之年曰

臣小人也不知紀年臣生之歲正月甲子朔四百有四十五甲子矣注其年正月一日甲子蓋夏正建寅之月周之三

月也

放鳩

原列子邯鄲之民以正月之旦獻鳩於簡子簡子大悅厚賞之客問其故簡子曰正旦放生示有恩

也三齊畧記滎陽有智井沛公避項羽逃於井中時雙鳩集井上人謂在井羽曰井有人鳩不集沛公遂免難

故漢世正

旦放鳩



獻歲

增楚辭獻歲發春兮汨吾南征萊蘋齊葉兮白芷  
生李華含元殿賦獻歲元辰東風發春懸法象魏

與人維新白居易早春雪後詩獻  
歲晴和風景新銅駝街郭暖無塵

開春

增楚辭開春發歲  
兮白日出之悠悠

鵲巢灰

原墨子秘要元日取鵲巢燒灰著  
於廁以避兵撒門裏以避盜賊

鏡聽

原鬼谷子元旦之夕汎掃置香燈於竈門注水滿  
鐺置杓於水虔禮拜祝撥杓使旋隨柄所指之方

抱鏡

出門密聽人言第一句即是卜者之兆增王建鏡

聽詞

重重摩挲嫁時鏡夫婿遠行憑鏡聽回身不遣別

人知

人意丁寧鏡神聖懷中收拾雙鏡帶恐畏街頭見

驚怪

嗟嗟下堂階獨自竈前來跪拜出門願不聞

悲哀

郎在任郎回未回月明地上人過盡好語多同皆

道來

卷帷上牀喜不定與郎裁衣失翻正可中三日得

相見重繡錦囊磨鏡面韓滉沆溪沙詞荆楚誰  
言鏡聽詞燭花影動畫簷低燒燈天氣醉為期

四始

原史記天官書四始者候之日正義謂正月  
旦歲之始時之始月之始日之始故云四始

七始

原漢書禮樂志七始華始肅倡和聲注七始  
天地人四時之始華始萬物英華之始也

三朝

原漢書孔光傳歲之朝曰三朝注歲之朝月之朝  
日之朝增又鮑宣傳三始注正月一日為歲之朝

月之朝日之朝始猶朝也班固東都賦春王三朝會同  
漢京是日也天子受四海之圖籍膺萬國之貢珍內撫

諸夏外綏百蠻晉正會大饗歌慶隨百禮合壽與三朝  
并成公綏元旦大會行禮歌羽旄曜宸極鐘鼓振太清

百辟朝三朝  
或或明儀型

五色土

原易通卦驗正旦五更鏤  
五色土於戶上厭不祥

朔旦立春

增後漢書順帝紀永建四年正月丙寅詔曰三朝之會朔日立春嘉與海內洗心自新務

崇寬和敬順時令原晉書律歷志顓頊以孟春正月為元其時正月朔旦立春五星會於天歷營室也冰凍始泮蟄蟲始振雞始三號天曰作時地曰作昌人曰作樂鳥獸萬物莫不應和故顓頊聖人為歷宗也增蘇軾元日立春詩省事天公厭兩回新年春日併相催殷勤更下山陰雪要與梅花作伴來楊萬里元日立春題道山堂前梅花詩今年元日不孤來帶領新春一併回夜雨初添石渠水東風先入道山梅范成大詩元日兼春日霜寒入雪寒併煩傳菜手同捧頌椒盤辛棄疾元日立春詞誰向椒盤簪綵勝整整韶華爭上春風鬢奪席原後漢書戴憑傳憑為侍中正旦朝賀帝令羣臣能說經者更相難詰義有不通輒奪其席以益通者憑遂重坐五十餘席京師語曰解經不窮戴侍中

噀酒救火

原後漢書樂巴傳注巴為尚書正朝大會巴獨後到又飲酒西南噀之有司奏巴不敬有

詔問巴巴頓首謝曰臣本縣成都市失火臣故因酒為雨以滅火臣不敢不敬詔即以驛書問成都成都答言正旦失火食時有雨從東北來火乃息雨皆酒具增桂陽列仙傳成武丁後漢時為臨武小吏邑令遣至州太守元日宴郡官使之司酒忽取酒含而噀之衆怪問答曰適見臨武失火所以噀酒救之李孝貞正日臨朝詩保章望瑞氣尚書免火災

賜鰓魚

原東觀漢記吳良初為郡吏歲旦賀太守門下掾王望詔稱太守功德曰今日歲首請上雅壽

良勃然進曰望佞邪之人願勿受其觴太守曰此生言是賜鰓魚百枚

進璧

原漢官儀正旦朝賀三公奉璧上殿嚮御座北面太常贊曰皇帝為三公興三公伏皇帝坐乃前進

璧增通典晉元正皇帝升御座大鴻臚  
跪贊蕃王臣某等奏白璧各一再拜賀

# 九賓樂

原漢儀天子幸德陽殿公卿百官各陪朝賀作  
九賓樂增顏師古正日臨朝詩負宸延百辟垂

旒御  
九賓

# 正日

原四民月令正月一日七十二候之初三百六旬  
之始是謂正日增玉燭寶典正月之朔是謂正日

躬率妻孥  
潔祀祖禰

# 椒酒

原四民月令正月之旦潔祀祖禰進酒降神畢子  
孫各上椒酒於家長稱觴舉壽荆楚歲時記元日

進椒栢酒飲桃湯注椒是玉衡星精服之令人身輕能  
老栢是仙藥成公綏椒花銘嘉哉芳椒載繁其實厥味  
惟珍蠲除百疾肇惟歲始月正元日永介眉壽以祈初  
吉劉臻妻椒花頌旋穹周廻三朝肇建青陽散暉澄景

載煥美哉靈葩爰採爰獻聖容映之永壽于萬庾信謝  
正旦賜酒詩正旦辟惡酒新年長命杯栢葉隨銘至椒  
花逐頌來增蕪軾詩葦桃猶在戶椒栢已稱觴毛滂  
元旦玉樓春詞佳人重勸千長壽栢葉椒花芬翠袖

梅花酒

原四民月令梅花酒元日服之却老

魚龍百戲

原典畧明帝使博士馬均作司南車水轉百戲正月朝造巨獸魚龍曼延弄馬倒騎備如

漢西京故事增晉書樂志後漢正旦天子臨德陽殿受  
朝賀舍利從西方來戲於殿前激水成比目魚跳躍激  
水作霧翳日畢又化成龍長八九丈出水遊戲炫耀日  
光以兩大絲繩繫兩柱頭相去數丈兩倡女對舞行於  
繩上相逢切肩而不傾魏晉訖江左猶有夏育扛鼎巨  
象行乳神龜拊舞背負靈嶽桂樹白雪畫地成川之樂  
隋書音樂志明帝武成二年正月朔旦會羣臣於紫極  
殿始用百戲宣帝即位廣召雜伎增修百戲魚龍曼延

之伎常  
陳殿前

正會禮

原晉書禮志漢儀有正會禮正旦夜漏未盡七刻鐘鳴受賀公侯以下執贄來庭二千石以上

升殿稱萬歲然  
後作樂宴饗

白獸樽

原晉書禮志正旦元會設白獸樽於殿庭樽蓋上施白獸若有能獻直言者則發此樽飲酒增

李君房白獸樽賦王春會朝初正元吉白獸在司樽彝舉酒攬地空象夫鑿鬚揚睛欲聞乎哮吼劉克莊元日詩耄齒阻陪鳩杖列  
瞽言曾獻獸樽前

房中樂

增晉書禮志正旦晝會別置女樂三十人於黃帳外奏房中之樂

百華燈

原晉書禮志魏武帝都鄴正會文昌殿用漢儀又設百華燈增宋書禮志正月朔賀殿下設兩

百華燈對于二階之間端門設庭燎火炬端門外設五尺三尺鐙月照星明雖夜猶晝北齊元會大饗歌百華照曉千門洞晨

晨賀晝會

原晉書禮志正會禮正旦夜漏未盡七刻謂之晨賀晝漏上三刻更出百官奉壽酒謂之

晝會

禳惡氣

原晉書禮志歲旦設葦茭桃梗磔雞於宮及百寺之門以禳惡氣增丁謂詩天和無厲惡何用

磔雞禳

大會樂歌

增晉書禮志杜夔傳舊雅樂四曲每正旦大會東廂雅樂常作者是也至泰始五年尚書

奏使傳休奕荀勗張華各造正旦行禮歌詩勗乃除鹿鳴舊歌更作正旦大會王公上壽並食舉樂歌詩合十



三篇

象車

增晉書輿服志象車漢鹵簿最在前武帝太康中平吳後南越獻馴象詔作大車駕之以載黃門鼓

吹數十人使越人騎之元正大會駕車入庭

問計吏

原晉書王渾傳帝嘗訪元會問郡國計吏方俗之宜渾奏曰可令中書授以紙筆盡意陳聞以

明聖指垂心四遠

坐覓孟嘉

原晉書孟嘉傳褚裒正旦朝庾亮亮大會州府人士裒問亮聞江州有孟嘉其人何在亮

曰在坐卿但自覓裒歷觀指嘉謂亮曰此君小異將無是乎亮欣然而笑

醺醺酒

原晉起居注穆帝升平二年正月朔朝會賜衆官醺醺酒

首祚

原王義之月儀書日往月來元正首祚太簇告辰微陽始布蟄無不宜和神養素

桃人

增元中記今人正朝作兩桃人立門旁以雄雞毛置索中蓋遺像也

畫雞

原拾遺記帝堯在位有祗支之國獻重明鳥一名雙睛狀如雞鳴似鳳能搏逐猛獸虎狼使妖災羣

惡不能為害飼以瓊膏國人掃灑門戶以望重明之集或刻木鑄金為此鳥之狀置於門戶之間則魑魅醜類自然退伏今人每歲元日或刻木鑄金或圖畫為雞於牖上此之遺像也

折松枝

原董勛答問歲首折松枝男七女二以為藥飲

五辛盤

原風土記月正元日五薰鍊形注噉五辛盤所以助發五藏之氣也本草五辛菜乃元旦立春

以葱蒜韭蓼蒿芥辛辣之菜雜和食之取迎新之義增庾肩吾詩聊傾柏葉酒試奠五辛盤丁謂元日立春詩

帶歸雙綵勝  
就賜五辛盤

吞雞子

原風土記正旦當生吞雞子一枚謂之鍊形

服赤豆

原風土記元日服赤小豆二七粒面東以薑汁下即一年無疾病雜五行書常以正月旦亦用

月半以麻子二七粒赤小豆七枚置井中辟疫病甚神驗

雞日

增荆楚歲時記正月一日為雞令一日不殺雞萬歲歷漢成帝詔除正旦殺雞與崔紀歷撮要一日

雞天氣晴人安國泰呂

本中詩避地逢雞日

三元

增荆楚歲時記正月一日是三元之日也春秋謂之端月隋書晉樂志百福四象初萬壽三元始舊

唐書岑文本傳太宗貞觀元年元日臨軒宴百寮文本上三元頌其詞甚美原初學記三元歲之元時之元月

之元增徐陵表三元肇慶六呂司春顏師古正日臨朝詩七政璿璣始三元寶曆新

拜賀

原荆楚歲時記元旦長幼悉正衣冠以次拜賀增司馬光居家雜儀卑幼於尊長正旦六拜尊長減

止則從命拜畢男女長幼各為一列以次共受卑幼拜帝京景物畧元旦家長少卑拜嫺友投箋互拜曰拜年戴復古歲旦族黨會拜詩衣冠拜元日樽俎對芳辰上下二百位尊卑五世人排門喬木古照水早梅春寒事將銷歌風光又一春

爆竹

原荆楚歲時記正月一日雞鳴而起先於庭前爆竹以辟山臊惡鬼注按神異經云西方山中有

焉其長尺餘一足性不畏人犯之則令人寒熱名曰山臊以竹著火中爇燂有聲而山臊驚憚增元稹詩何處生春早春生稚戲中亂騎殘爆竹爭唾小旋風楊萬里開禧元日詩夜半梅花添一歲夢中爆竹報殘更方岳

立春日詞喜纔先椒盤竹爆問  
誰天上瑤帖初供玉堂歸倬

仙木

原荆楚歲時記造桃板著戶謂之仙木注桃者五行之精厭伏邪氣制百鬼也增晏殊元日詩獻壽

椒花泛綠醪迎祥朱戶貼仙桃彤  
庭玉殿爐烟起靄靄卿雲瑞日高

桃符

原荆楚歲時記貼畫雞戶上懸葦索於其上插桃符其旁百鬼畏之注董勛云今正臘旦門前作烟

火桃神絞索松栢殺雞著門戶逐疫禮也括地圖曰桃都山有大桃樹盤屈三千里上有金雞日照則鳴下有二神一名荼一名壘并執葦索以伺不祥之鬼得則殺之風俗通曰黃帝書稱上古之時兄弟二人曰荼與壘住度朔山上桃樹下簡百鬼鬼妄捐人援以葦索執以食虎於是縣官以臘除夕飾桃人垂葦索畫虎於門效前事也通典周人木德以桃為梗今之桃符是其遺制增晏殊元日詩屠蕪醴酒盈金斚鬱壘神符衛紫闕三

界上真垂介福縣縣洪算等南山陸游元日詩夜雨解殘雪朝陽開積陰桃符呵筆寓椒酒過花斟

如願

原荆楚歲時記元日以錢貫繫杖脚迴以投糞掃上云令如願注按錄異記云有商人區明者過彭

澤湖有車馬出自稱青洪君要明過厚禮之問何所須有人教明但乞如願及問以此言答青洪君甚惜如願不得已許之乃其婢也既而送出自爾商人或有所求如願並為即得後至正旦如願起晚乃打如願如願走入糞中商人以杖打糞掃喚如願竟不還也此如願故事增范成大詩除夜將闌曉星爛糞掃堆頭打如願

逐疫

原荆楚歲時記正旦門前作烟火逐疫

膠牙餠

原荆楚歲時記元日食膠牙餠注取膠固之義增白居易歲日家宴詩歲盡後推藍尾酒春盤

先薦膠

牙餠

敷于散

原荆楚歲時記元日進敷于散注敷于散出葛洪煉化篇方用栢子仁麻仁細辛乾薑附子等

分為散并華水服之

屠蘇酒

增荆楚歲時記元日進屠蘇酒廣韻屠蘇酒元日飲之可除瘟氣屠者屠絕鬼氣蘇者蘇醒人

魂原本草綱目屠蘇酒華陀方也元旦飲之辟疫癘一切不正之氣造法用赤木桂心七錢五分防風一兩菝

蓰五錢蜀椒桔梗大黃五錢七分烏頭二錢五分赤小

豆十四枚以三角絳囊盛之除夜懸井底元旦取出置

酒中煎數沸舉家東向從少至長次第飲之藥滓還投

井中歲飲此水一世無病增容齋續筆今人元旦飲屠

蘇自小者起相傳已久唐劉夢得白樂天元日舉酒賦

詩劉云與君同甲子壽酒讓先杯白云與君同甲子歲

酒合誰先陳陶朝元引萬寓靈祥擁帝居東華元老薦

屠蘇梅堯臣歲旦詩屠蘇先尚幼綵勝又宜春毛滂元

日玉樓春詞一年滴盡蓮花漏碧井屠蕪沉凍酒

却鬼丸

增荆楚歲時記元日服却鬼丸注江夏劉次卿正旦至市見一書生入市衆鬼悉避劉問書生

曰子有何術以至於此書生言我本無術出之日家師以一丸藥絳囊裏之令以繫臂防惡氣耳其方用武都雄黃丹散二兩蠟和令調如彈丸正月旦令男左女右帶之原海錄碎事梁武帝元旦賜羣臣却鬼丸增庾肩吾詩金薄圖神燕朱泥却鬼丸

化白鵠

原南康記昔有盧耽仕州為治中少學仙術每夕輒凌空歸家曉則還州嘗赴元會至曉不及

預朝列化為白鵠至閣前徊翔欲下威儀以帚擲之得一隻履耽驚還就列內外左右莫不駭異

金枝華秀

原鄴中記元日石虎於殿前設金枝銅燈百二十枝名金枝華秀



首正

增宋書樂歌開元首正禮交  
樂具六典聯事九官列序

花雪集衣

原宋書符瑞志大明五年正月元日花雪降  
殿庭時右衛將軍謝莊下殿雪集衣還白上

以為瑞於是公卿作花雪詩增庾肩吾花雪詩瑞雪墜  
堯年因風入綺錢張九齡瑞雪篇萬年春三朝日上御  
明臺旅庭實初瑞雪兮霏微俄同雲兮蒙密宋初元日  
雪詩寒雲萬里送殘宵回旋祥雲集歲朝繁影未能藏  
夜燎薄花仍  
欲伴春椒

銀酒鎗

原齊書蕭穎胄傳上慕儉欲鑄壞太官元日上  
壽銀酒鎗穎胄曰朝廷盛禮莫過三元此一器

既足是舊物  
不足為侈

定樂章

增魏書高祖紀太和十一年春正  
月丁亥朔詔定樂章非雅者除之

饗勞將士

增魏書太宗紀神瑞五年春正月丙戌朔自薛林東還至於屋竇城饗勞將士大酺二日

頌禽獸以賜之

楊柳枝

增齊民要術正月旦取楊柳枝著戶上百鬼不入家

大饗百官

增隋書禮儀志元正大饗百官一品已下流外九品已上預會

奏納夏

增隋書音樂志五等諸侯正日獻玉帛奏納夏

拜日月神

原隋書新羅國傳每正月旦相賀王設宴會班賚羣官其日拜日月神

退朝賦詩

增舊唐書德宗紀貞元九年春正月庚辰朔朝賀畢上賦退朝觀仗歸營詩唐詩紀事德

宗元日觀軍仗詩獻歲視元朔萬方咸在庭端旒揖羣后迴輦閱師貞綵仗宿華殿退朝歸禁營分行左右出

轉旆風雲生歷歷趨復道容容映層城勇餘矜捷技令  
肅無喧聲眷此戎旅節載嘉良工誠順時傾宴賞亦以  
助文  
經

丹鳳宣赦

增舊唐書憲宗紀元和元年正月丁卯朔御  
含元殿受朝賀丹鳳樓大赦改元韓愈元和

聖德詩帝車回來日正當午幸丹鳳門大赦天下楊巨  
源元日含元殿下立仗丹鳳樓下宣赦詩天垂台曜掃  
欂櫨壽獻山青祝聖明丹鳳闕前歌九奏金雞竿下鼓  
千聲衣裳南面薰風動斗柄東方喜氣生從此登封資  
廟畧兩河連  
海一時清

奏祥瑞

增舊唐書憲宗紀元和二年八月甲戌中書奏  
先停諸道奏祥瑞伏以所奏祥瑞皆緣臘饗告

廟元會奏用今後諸大瑞隨表同奏中瑞下  
瑞申有司其元日奏祥瑞請依令式從之

景雲河清歌

增舊唐書音樂志貞觀十四年景雲見河  
水清張文收制景雲河清歌名曰讌樂為

諸樂之首元會第一奏者是也玉海天聖二年正月  
壬寅朔率百官上皇太后壽於會慶殿是日景雲見

履新同慶

原唐書禮樂志皇帝受羣臣朝賀曰元日首  
祚景福維新惟陛下與天同體臣等謹上千

秋萬歲制答曰履新  
之慶與卿等同之

却女歸寧

原唐書李晟傳晟治家以嚴正歲崔氏女歸  
寧讓曰爾有家而姑在堂婦當治酒食且待

賓客却之  
不得進

三朔

原初學記正月一日為三朔尚書大傳云夏  
以平明為朔殷以雞鳴為朔周以夜半為朔

夏正

原通典漢至武帝用夏正百官賀正月二千石以  
上上殿稱萬歲舉觴御座前司空奉羹大司農奉

飯奏食舉之樂百官受賜宴饗大作樂增張衡東京賦  
夏正三朝庭燎皙皙撞洪鐘伐靈鼓旁震八鄙軒磬隱  
訇李百藥正日臨朝應詔詩化歷昭唐典  
承天順夏正百樂警軒禁三辰揚旆旌

祠后土

增通典漢宣帝修武帝故事間歲正月一日至  
河東祠后土王勃春思賦前年齋祭謁甘泉令

歲笙簫祠后土桃花萬騎  
喧長薄蒲葉千旗照平浦

受贄

增通典梁天監六年詔元日受五等贄珪璧并  
量所付周捨請以主客郎受玉付少府掌從之

中書讀表

增通典永徽二年詔元  
日令中書令讀諸方表

備充庭

原通典唐長壽三年制始令舉人  
獻歲元會列於方物前以備充庭

賀正使

增通典天寶六載敕諸道差使賀正表並取元  
日隨京官例序立便見通事舍人奏知其表直

送四方館元日仗  
下後一時同進

雪汁和種

增唐會要長壽二年正月元日大雪質明而晴謂侍臣曰俗云元日有雪則百穀豐文昌

左丞姚璿對曰汜勝之書云雪為五穀之精以其汁和種則年穀大穰

助生氣

原裴氏新語正旦縣官殺羊懸其頭於門又磔雞以覆之俗說以壓厲氣以問河南伏君伏君

曰是月也土氣上升草木萌動羊啮百草雞啄五穀故磔之以助生氣

御樓殿

增輦下歲時紀元日御樓御殿發號施令慶賜遂行

八十稱賀

原東觀奏記大中十一年正月朔上御含元殿受朝太子太師盧鈞年八十自樂懸之南

步而及殿墀稱賀上前聲容緩朗舉朝服之至十二年元日含元殿受朝賀太子少師柳公權年亦八十復為

百官首

火城

原國史補宰相禮絕班行元日百官已集而宰相方至珂傘列燭多至數百炬謂之火城宰相火城

至則衆皆滅燭以避之增陳師

道詩笳鼓喧燈市車輿避火城

書聾字

原酉陽雜俎元日俗好於門上畫虎頭書聾字謂鬼名可息瘡癘宣室志裴漸善洞鬼神物寓

書博陵崔公曰當

今制鬼無如漸耳

鬪牛馬馳

原酉陽雜俎龜茲國元日鬪牛馬馳為戲七日觀勝負以占一年牛羊馬減耗繁息

元陽

增食譜閭闔門外通衢有食肆人呼為張手美家水產陸販隨需而供每節則專賣一物元日

陽

燎樹

增種樹書元日天未明將火把園中百樹上從頭用火燎過可免百蟲食葉之患

賜栢樹

增唐詩紀事景龍四年正月朔賜羣臣栢樹李元旦賦栢樹詩勁節凌冬勁芳心待歲芳能

令人益壽非止麝含香武平一詩綠葉迎春綠寒枝歷歲寒願將栢葉壽長奉萬年歡

崇元殿

增宋史禮志太祖建隆二年正月朔始受朝賀於崇元殿服袞冕設宮懸退羣臣詣皇太后宮

門舉賀

象逐邪

原宋史占城國傳正月一日牽象周行所居之地然後驅逐出郭謂之逐邪

迎年珮

原清異錄咸通俗元日佩紅絹囊內裝人參豆大一瓣嵌以木香一二釐起時服日出方止號

迎年珮



鍾馗

原遯齋閑覽今人歲首畫鍾馗辟邪俗傳起於唐明皇按唐逸史開元中明皇晝夢一小鬼繞殿奔

戲上前上叱問之曰臣乃虛耗也上怒欲呼武士俄見一大鬼頂破帽衣藍袍繫角帶鞞朝靴徑捉小鬼先剗其目然後擘而啖之上問曰爾何人也云臣終南山進士鍾馗也武德中應舉不捷羞歸故里觸殿階死奉旨賜綠袍葬之感思發誓與我王除天下虛耗妖孽之事言訖夢覺乃詔畫工吳道子圖之增周繇夢舞鍾馗賦彼號伊祁亦名鬱壘讎袂於凝沍之末驅厲於發生之始豈如呈妙舞兮薦夢明君康寧兮福履

諸國入賀

增東京夢華錄元旦大朝會車駕坐大慶殿有介冑長大人四人立於殿角謂之鎮殿將

軍諸國使人入賀殿庭列法駕儀仗百官皆冠冕朝服諸舉人解首亦士服立班諸州進奏吏各執方物入獻

放關撲

原東京夢華錄正月一日年節開封府放關撲三日士庶自早互相慶賀坊巷以食物動使果

實柴炭之類歌叫  
關撲車馬交馳

安福塔

增歲華紀麗譜正月元日郡人持小綵幡遊安福寺塔黏之盈柱若鱗次然以為厭禳范成大

丙申元日安福寺禮塔詩注成都一歲故事  
始於此士女大集拜塔下然香挂幡以禳災

聖功頌

增玉海太宗克澤潞下維揚復湖湘得荆渚收劍南取嶺表平江左武功震耀開寶九年正月

戊寅朔受朝乾元殿降王在列聲明大備  
知制誥扈蒙上聖功頌述其事詔褒之

日抱戴

增玉海景德四年正月己亥朔御朝元殿受朝賀羣臣上壽諸道進奉下詔肆青司天言日抱

戴佳氣覆宮闕上作元日  
朝會七言詩賜近臣屬和

慶壽禮

增玉海淳熙十三年正月一日行慶壽禮聖壽八十賀表曰位在九五而事父母於一堂年登

八十而閔子孫於四世楊萬里淳熙丙午元日聖上詣東朝慶壽口號春色何須羯鼓催君王元日領春回壯丹芍藥薔薇朶都向千官帽上開

### 一歲初祭

增通考正月朔旦三陽交泰萬物發生乃人道報本反始之時為一歲初祭是日出神主

於祭所拜獻朱子家禮集說通禮祠堂大祭祀則請出神主或堂或廳祭之注大祭如四時及正旦之類

### 大朝會儀

增乾淳歲時記朝廷元日行大朝會儀則百官冠冕朝服備法駕設廣麾仗三千三百五

十人用太常雅樂宮架登歌太子上公親王宰執並赴紫宸殿立班進酒上千萬歲壽上公致辭樞密宣答及諸國使人及諸州入獻朝賀然後奏樂進酒賜宴

### 芝草嘉禾

增金史世宗紀正月朔徐州進芝草十有八莖真定進嘉禾二本六莖異畝同穎

賜酒

增元史禮樂志元正受朝典引引丞相以下皆公服入日精月華門就起居位四品以上賜酒殿上

典引引五品以下賜酒於日精月華二門之下

劈正斧

增元史禮樂志元正受朝皇帝出閣侍儀使引導劈正斧中行至大明殿外劈正斧直正門北

向立俟兩宮升御榻劈正斧退立於露階東輟耕錄劈正斧以蒼水玉碾造高二尺有奇廣半之徧地文藻粲然正旦天壽節御大明殿會朝時則一人執之立於陛下酒海之前蓋所以正人不正之意

推正月朔歌

增輟耕錄推正月朔歌曰九年二月半便是正月一只九年中取大小無差失注前

九年二月十五日辰即今年正月初一日辰該九十七箇半月三千八百六十日六甲轉四十八周

絲鵝蠟燕

原金門歲節記洛陽人家正旦造絲鵝蠟燕

粉荔枝

原金門歲節記洛陽人家正旦造粉荔枝焦氏類林宋人賀正啓瑞霽餞臘粉荔枝迎年

五香湯

原珠囊隱訣正月一日取五木煎湯以浴令人至老髮黑道家謂青木香為五香湯亦云五木

以其一株五根一莖五花一枝五葉一莖五節故云五香方蘭香荊芥頭苓苓香白檀香木香等分煎沐辟邪去頭風

受玉寶

增續文獻通考宋寧宗嘉定十五年元日御大慶殿受山東所獻玉寶陳宮架大樂奏詩三章

一曰恭膺天命二曰舊疆來歸三曰永清四海

樂音王隊

增續文獻通考元燕樂分為三隊樂音王隊元旦用之壽星隊聖節用之禮樂隊朝賀用

之

千盤會

增帝京景物畧隆安寺萬厯己酉僧翠林自蜀來募金修佛殿殿後堂三楹曰淨土社堂列龕

五十三結僧徒念佛歲元旦設果餌享佛盤千數名曰千盤會

狙猿朝廟

原稗史道州有舜祠凡遇正月初吉山狙羣聚於祠旁以千百數五日而後去次猿亦如

之三日乃去土人謂之土狙朝廟

鴉髻

增潛居錄巴陵俗元旦梳頭先以櫛理鴉之羽毛祝曰願我婦女黥髮髻髻惟百斯年似其羽毛故

楚人謂女髻曰鴉髻

浴兒

增體仁彙編五六月取絲瓜蔓上卷鬚陰乾至正月朔一日子時用二兩半煎湯父母只令一人知

溫浴小兒身面上下以去胎毒永不出痘原月令通考元日四更時取葫蘆藤煎湯浴兒則終身不出痘瘡其

藤須八九  
月收之

赤靈符

原月令圖經元日日未  
出時朱書赤靈符懸戶

嫁樹

原農政全書元日五更以刀斧斑  
駁敲打樹身則結實謂之嫁樹

朝三清

原談薈正月一日  
天地神祇朝三清

天倉開

原遵生八牋元日天  
倉開日宜學道坐圜

初歲

增曹植元會詩初歲元祚吉日惟良乃為嘉會宴  
此高堂歡笑盡娛樂哉未央皇室榮貴壽考無彊

韋述春日山莊詩初歲  
開韶月田家喜載陽

元正

增何充賀正表璇衡運周元正肇祚傳休奕詩元  
正始朝享萬國執珪璋枝燈若火樹庭燎繼天光

童稚戲法

增元稹元日詩富貴祝來何所遂聰明鞭得轉無機自注祝富貴鞭聰明皆正旦童稚戲

法

殊方節物

增范成大新正詩殊方節物記吾曾海北天西一瘦藤烏欖鷄檳嘗老酒酥花芋葉試新

燈自注記桂林成都元日舊事檳欖皆椒盤中物老酒十數年不壞者滴酥為花熬芋為柳葉三夕張燈如上元

試年庚

增陸游歲首書事詩呼盧院落譁新歲自注鄉俗歲夕聚博謂之試年庚

持齋

增法苑珠林佛言正月少陽用事萬神代位陰陽交精萬物萌生故正月一日持齋以助和氣

天臘

原道經正月一日為天臘五帝校定生人神氣時限長短益添年命其日宜求禱子孕



天中節

原道書正月一日天中節會之辰獻壽之日

青鳥銜書

增雲笈七籤上靈元年正月一日六元合慶甲子直辰元始天王與太帝君共乘碧霞流

飈輦上登九元之崖徘徊洞天逍遙極元有

青鳥來翔口銜紫書集於玉軒奉受記文

續命齋

增雲笈七籤靈寶曰正月一日修續命齋勿殺生

獻壽齋

增雲笈七籤三洞奉道科云正旦為獻壽齋

御製元旦

慈寧宮行禮詩太族初分來萬國融融淑景動青陽曈曨翠

盖祥雲覆縹緲蘭宮瑞氣揚節遇三元開寶歷時逢四

始奉霞觴山呼拜舞臣民樂願頌千年正未央

御製元旦詩廣廷揚九奏玉帛麗朝光恭已臨四表垂衣

馭八荒

唐太宗正日臨朝詩

增條風開獻節仄律動初陽百蠻奉遐賁萬國朝未央雖無舜禹迹

幸欣天地康車軌同八表書文混四方赫奕儼冠蓋紛綸盛服章羽旄飛馳道鐘鼓振巖廊組練輝霞色霜戟輝朝光晨宵懷至理終媿撫遐荒

初二日

狗日

原荆楚歲時記正月二日為狗今二日不殺狗增紀歷撮要二日狗無風雨即不熟

讀春令

增唐會要正月二日讀春令韋縝讀春令賦太

令

閒行曲江

增元稹詩序永貞二年正月二日上御丹鳳樓赦天下予與李公垂庾順之閒行曲江不

及盛觀詩春來饒夢慵朝起不看千官擁卸樓却着閒行是忙事數人同傍曲江頭

傳坐

原秦中歲時記唐長安風俗從正月二日起飲酒相邀謂之傳坐

獻嘉禾

增宋會要宋高宗紹興十五年正月二日瀘南獻嘉禾九穗潘炎嘉禾合瑞賦風之起兮雲之

揚嘉禾之瑞未可量

天子億載臨萬方

放燈

增歲華紀麗譜咸通十年正月二日街坊點燈張樂晝夜喧闐蓋大中承平之餘風由此言之唐時

放燈不獨  
上元也

送茶

增歲華紀麗譜正月二日太守出東郊早宴移忠寺晚宴大慈寺宴罷妓以新詞送茶自宋公祁始

喜雪詞

增乾淳起居注淳熙八年正月初二日未初雪大下正是臘前官家甚喜令有司比去年倍數

支散貧民節使吳琚進喜雪水龍吟詞楊萬里正月二日雪詩雪與新春作伴回擣霜為片電為埃只愁雪虐

梅無奈不道  
梅花領雪來

植竹

增荀譜凡植竹正月二日引根鞭必西南而行原山居四要正月二日宜栽竹

寶勝佛生

原藏經正月二日寶勝佛生

服商陸根

增雲笈七籤正月二日取商陸根三十斤淨洗粗切長二寸許勿令中風絹囊盛盡懸屋

北六十日陰燥為末以方寸七水服旦先食服八十日見千里百日登風履雲久服成仙

范成大正月二日詩

增椒盤宿酒未全醒擾擾金鞍逐畫駟麥雨一犁隨處綠柳烟千縷

幾時青

葉夢得正月二日八聲甘州詞

增又新正過了問東風消息幾時來笑春工多

思留連底事猶未輕回應為瑤刀裁剪容易惜花開試向湖邊望幾處寒梅

初三日

豬日

原荆楚歲時記正月三日為豬令三日不殺豬增紀歷撮要三日豬清明君安

壽聖節

原宋史英宗紀英宗明道元年正月三日生於宣平坊赤光滿室見黃龍游光中嘉祐八年即

位以生辰為壽聖節增天中記治平元年正月三日親  
王樞密以下詣垂拱殿宰臣百官以下及契丹使詣紫  
宸殿  
上壽

天慶節

增宋史禮志大中祥符元年詔以正月三日天  
書降日為天慶節休假五日兩京諸路州府軍

監前七日建道場設醮斷屠宰  
節日士庶特令宴樂京師然燈

懸箕

原雜五行書正月三日買箕四枚懸堂上  
西壁令人治生大得田蠶萬倍錢財自入

小年朝

增杭州府志正月初三日謂之  
小年朝仍燒松棚於園爐中

翼聖降

原道書正月三日  
北斗翼聖真君降

萬神都會

原三元延壽書正月  
初三日萬神都會

杜甫正月三日歸浣花溪詩

增野外堂依竹籬邊水向城螳浮仍臘味鷗泛已春

聲

白居易正月三日間行詩

增鴛鴦蕩漾雙雙翅楊柳交加萬萬條借問春風來早晚

只從前日到今朝

元稹第三歲日詠春風寄長安柳詩

增三日春風已有情拂人頭面稍憐

輕殷勤為報長安柳莫惜枝條動軟聲

初四日

羊日

原荆楚歲時記正月四日為羊今四日不殺羊增紀歷撮要四日羊春氣暖臣順君命

御明堂

增舊唐書禮儀志永昌元年正月四日御明堂布政頒九條以訓於百官翌日又御明堂饗羣

臣賜縑

纁有差

開基節

原宋史禮志正月四日有太祖神御之州府宮殿行香為開基節

宴錫慶院

增宋史禮志英宗以正月三日為壽聖節又一日賜宴於錫慶院

真龍得位

增雲谷雜記太祖潛耀日與一道士遊於闕河每劇飲爛醉道士善歌能引其喉於杳冥

之間作清徵之聲時或聞一二句曰金猴虎頭四真龍得其位詰之則曰醉夢豈足憑耶至膺圖受禪之日乃

是庚申正月

初四日也

宿齋賦詩

增玉海淳化四年正月四日上賦南郊宿齋五七言詩六首以賜近臣



朝玉晨

原道書正月初四日太上大道玉晨君登玉霄琳房四盼天下有志節遠遊之心者增雲笈七

籤正月四日

朝玉晨君

范成大正月初四日觀麥苗詩

增去歲秋霖麥下遲臘殘一雪潤無泥相將飽

喫滹沱飯來聽林間快活啼

初五日

牛日

原荆楚歲時記正月五日為牛今五日不殺牛增紀歷撮要五日牛清明四望無怨氣

遊斜川

增陶潛遊斜川詩序辛丑正月五日天氣澄和風物閑美與二三隣曲同遊斜川

輸籍定漾

增隋書食貨志高頻以人間課輸雖有定分年常徵納除注恒多長吏肆情文帳出沒復

無定簿難以推校乃為輸籍定樣請遍下諸州每年正月五日縣令巡人各隨便近五黨三黨共為一團依樣定戶上下帝從之

餞賀監

增唐明皇送賀知章歸四明詩序天寶三年太子賓客賀知章正月五日將歸會稽逐餞東路

乃命六卿庶尹大夫供帳青門寵行邁也詩遺榮期入道辭老竟抽簪豈不惜賢達其如高尚心裏中得祕要方外散幽襟獨有青門餞羣僚悵別深

蓬萊宮宴

增唐詩紀事景龍四年正月五日蓬萊宮宴吐蕃使因為柏梁體時上疑實從一宗晉卿

素不屬文未及令續二人固請許之吐蕃舍人明悉獵請令授筆與之悉獵云玉醴由來獻壽觴上大悅賜與衣服

天基節

增宋史理宗紀開禧元年正月癸亥生於虹橋里第寶慶元年詔以生日為天基節

蠶市

增歲華紀麗譜正月五日五門蠶市蓋蠶叢氏始為之俗往往呼為蠶叢太守即門外張宴

佛誕

原藏經正月五日大慈佛生

留仙蹟

增楚通志何許陳三女相約入山修真大中元年正月初五日雷雨作仙樂隱隱雲霧中遙見

三女忽不知所在馬

蹄蹊蹟俱留山上

楊萬里正月五日侍宴集英口號

增太極香開萬物新紹熙天子燕羣臣梨

園好語君須聽玉

歷初頒第一春

初六日

馬日

原荆楚歲時記正月六日為馬令六日不殺馬增紀歷撮要六日馬日月光明即大熟

修望春宮

增唐會要開元二十六年正月六日修望春宮

南郊

增通典宋孝武大明二年正月有司奏今月六日南郊輿駕親奉至時或雨遂遷日有司行事

幸水磴

增宋史禮志太平興國九年正月六日幸景龍門外水磴帝臨水而坐召從臣觀之因曰此水

出於山源清澄甘潔近河之地水味皆甘豈河潤所及乎宋琪等曰亦猶人性善惡染習致然帝曰卿言是也

知舉賜詩

增玉海祥符五年正月五日癸酉命學士晁迥等知貢舉六日甲戌上作詩賜晁迥等曰

盛時選士貢闈開罄宇聞風獻藝來心以權衡求實效勿令蓬華有遺才

定光佛生

原佛書正月初六日江州武平南安白花香定光佛生

曾鞏正月六日雪霽詩

增雪消山水見精神滿眼東風送早春明日杏園應爛熳便須

期約看

花人

朱淑真正月初六日憶秦娥詞

增開娥雪柳添粧束燭龍火樹爭馳逐爭馳逐

元宵三五不如初六

初七日

人日

原荆楚歲時記正月七日為人今七日不刑增事物紀原東方朔初置人日紀歷撮要七日人晴明

民安君臣和會李义入日詩千年執象寰瀛泰七日為人慶賞隆高適人日寄杜甫詩人日題詩寄草堂遙憐故人思故鄉蘇軾新年詩曉雨暗人日春愁連上元水生桃菜渚烟濕落梅村

登高

增荆楚歲時記正月七日登高賦詩陽休之正月七日登高侍宴詩廣殿麗年輝上林起春色風生

拂雕輦雲迴浮綺翼喬侃人日登

高詩登高一遊目始覺柳條新

綵勝

原荆楚歲時記人日剪綵為人或鏤金箔為人以帖屏風亦戴之頭髻人入新年形容改從新也又

造華勝以相遺起於晉代賈克李夫人典戒云像瑞圖

金勝之形又取像西王母戴勝也增唐詩紀事景龍三

年人日賜金綵人勝李嶠等賦七言詩是日甚懽上令

學士遞起屢舞至沈佺期賦迴波有齒錄牙緋之語原

劉臻妻陳氏進見儀正月七日上人勝於人增沈佺期

人日宴大明宮詩千官黼帳杯前壽百福香奩勝裏人

崔日用人日詩金屋瑤筐開寶勝花牋綵筆頌春椒

李商隱人日詩鏤金作勝傳荆俗剪綵為人起晉風

七種羹

原荆楚歲時記正月七日以七種菜為羹戴叔倫詩獨獻菜羹憐應節遍傳金勝喜逢人

招牛馬

原荆楚歲時記荆人於此日向晨門前呼牛馬雞畜令來乃置粟豆於灰散之宅內云以招牛

馬

煎餅

原荆楚歲時記北人此日食煎餅於庭中作之云薰天增唐六典膳部節日食料有正月七日煎餅

安仁銘

原述征記魏東平王翕七日登壽張縣安仁山鑿山頂為會望處刻銘於壁文字猶在銘云正

月七日厥日為人策我良駟陟彼安仁

雲龍宴

增北齊書崔瞻傳顯宗命瞻使鄴魏孝靜帝以人日登雲龍門其父懷侍宴又勅瞻近御坐有

應詔詩詔問邢昭等曰此詩何如其父咸云懷博雅弘麗瞻氣調清新並詩人之冠宴罷共嗟賞之云今日之宴併為崔

瞻父子

雞子卜

原王燭寶典蜀中鄉市士女以人日擊小鼓唱竹枝歌作雞子卜

名下無虛士

原隋唐嘉話薛道衡聘陳為人日詩云人春纔七日離家已二年南人嗤之曰誰謂

此解作詩及云人歸落鴈後思發

在花前乃喜曰名下固無虛士

破陣樂舞

增唐會要貞觀三年正月七日製破陣樂舞圖呂才教舞百二十人數日而就

作涼宮

增唐會要儀鳳三年正月七日於藍田作涼宮名萬全宮

鄭公人日

增劉賓客嘉話錄魏鄭公嘗出行以正月七日謁見太宗太宗勞之曰卿今日至可謂人

日矣

人日雪

增唐詩紀事景龍三年人日御清暉閣宴羣臣遇雪賦詩宗楚客人日遇雪詩窈窕神仙閣參



差雲漢間九重中葉啟七日早春還太液天為水蓬萊  
雪作山今朝上林樹無處不堪攀李嶠人日遇雪詩千  
鍾聖酒御筵披六出祥英亂繞枝即  
此神仙對瓊圃何須轍迹向瑤池

打球

增唐詩紀事景龍四年正月七日宴大明殿觀打  
毬沈佺期人日雲臺觀打毬詩今春芳苑遊接武

上瓊樓宛轉縈香騎飄飄拂畫毬俯身迎未  
落迴轡逐傍流祇為看花鳥時時誤失籌

梅花粧

原雜五行書宋武帝壽陽公主人日卧含章殿  
簷下梅花落公主額上成五色花拂之不去經

三日洗之乃落宮女  
效之今梅花粧是也

吞赤豆

增雜五行書正月七日男吞赤  
小豆七顆女吞十四竟年無病

六一菜

增食譜張手美  
家人日六一菜

人日鳥

增清異錄南唐王建封不識文藝族子有動植疏俾吏錄之其載鴿事以傳寫訛謬分一字為

三變而為人日鳥矣建封信

之每人日開筵首進此味

貼人于帳

原藝苑雌黃古人七日貼人于帳重人也增李適人日宴大明宮詩寶帳金屏人已貼圖

花學勝

鳥初裁

賜及第

增事物紀原太平興國二年正月初七日太宗親試呂蒙正以下並賜及第

獵城南

增蘇軾詩題人日獵城南會者十人以身輕一鳥過槍急萬人呼為韻

遊墓頤山

原蘇轍踏青詩序睂之東門十數里有山曰墓頤山上有亭榭松竹下臨大江每正月人

日士女相與遊嬉飲酒於其上謂之踏青增名勝志人日出東郊渡玻瓈江遊墓頤山睂之故事也陸游詩玻

璚江上柳如絲行樂家家要及時只怪今朝空巷出使君人日宴幕頤

# 燈山上綵

增東京夢華錄元宵大內前自歲前冬至後開封府絞縛山棚立木正對宣德樓遊人已

集御街兩廊下至正月七日燈山上綵金碧相射錦繡交輝面北悉結綵山皆畫神仙故事橫列山門各有綵結金書大牌曰宣和與民同樂綵山左右以綵結佛像跨獅子開轆轤絞水上燈山尖高處用木櫃貯之逐時放下如瀑布狀又於左右門上各以草把縛成戲龍之狀用青幕遮籠草上密置燈燭數萬盞望之蜿蜒如雙

龍飛走

# 綵蜨春燕

增東京夢華錄立春剪綵蜨春燕為瑞人日亦然徐延壽人日剪綵詩貼燕留粧戶黏雞

欲餉人吳兆人日立春詩土牛官鼓逐綵燕內人傳

宴春雨堂

增范成大吳郡志淳祐九年正月人日郡守鄭霖會三學同舍顏岩等四十二人序拜於

天慶觀禮成宴於郡之春雨堂

油卜

原通考蜀嘉定金燈山趾有淵每歲人日郡守於此修油卜故事以油灑水面觀其紋驗一歲之豐

歉

踏磧

原通考夔州俗重諸葛武侯以人日傾城出遊八陣磧上謂之踏磧婦人拾小石有竅者貫以綵索

繫於釵頭以為一歲之祥是日府帥宴於磧上

祈蠶

原順慶府志蜀有樂山在渠縣北每歲人日邑人將鼓笛酒食登此娛樂以祈蠶事

玉局說經

原桂陽列仙傳桓帝永壽元年人日老君駕龍輿命張道陵乘白鶴同往成都玉局治說

南北斗經王  
牀自地而出

胎光降

增雲笈七籤正一真人告趙昇曰人身有三魂一名胎光太清陽和之氣也生於始青元君聖

母之宮降於正月七日以本降之日上詣本宮受事送人善惡

三官檢校

增雲笈七籤三元品戒經云正月七日天地水三官檢校之日可修齋

治氣要訣

增雲笈七籤正月七日無為大道元真立下八品治氣要訣在掌中

延神齋

增雲笈七籤正月七日是三會日宜修延神齋吉

真武降

原談會正月七日北極元天真武上帝午時下降

杜甫人日詩

增此日此時人共得一談一笑俗相看樽前柏葉休隨酒勝裏金花巧耐寒佩劍衝

星聊暫振匣琴流水自須彈早春  
重引江湖興直道無憂行路難

韓愈人日城南登高詩

增初正候纔兆涉七氣已弄霽  
霽野浮陽暉暉水披凍聖朝身

不廢佳節古所用親交既許來子姝亦可從盤蔬冬春  
雜尊酒清濁共令徵前事為觴詠新詩送扶杖凌圯陟  
刺船犯枯葑戀池羣鴨回釋嶠孤雲縱人生本  
坦蕩誰使妄倥偬直指桃李開幽尋寧止重

張繼人日代客子詩

增人日兼春日長懷復短懷  
遙思雙綵勝併在一金釵

羅隱正月七日立春詩

增一二三四五六七萬木生芽  
是今日遠天歸雁拂雲飛近水

游魚迸

冰出

初八日

迎氣東郊

增唐會要開元二十六年正月八日親迎氣於東郊之青帝壇

長寧節

增宋史禮志仁宗以正月八日為皇太后長寧節詔定長寧節上壽儀太后垂簾崇政殿宰臣

以下進

奉上壽

穀日

原紀歷撮要八日穀夜見星辰五穀豐熟通考穀日為上八日是日雨應元宵亦雨

燈市

原燕都游覽記燈市在東華門王府街東崇文街西亘二里許自正月初八日起至十八日而罷

觀音示現

原白衣經正月八日南無華嚴衆意甘露苦王觀世音菩薩示現

梁簡文帝正月八日燃燈詩

增藕樹交無極花雲衣數重織竹能為象縛荻巧成

龍落灰然藥盛垂油濕畫峯

天宮倘若見燈王願可逢

初九日

苦酒

增食經外國作苦酒法用水一升三合正月九日熱一銅匕調之一杯可飲三十人

瑞雲樂章

增玉海祥符七年正月九日學士院上應天府瑞雲樂章

玉帝生

原蠡海集玉帝生於正月初九日者陽數始于一而極于九原始要終也

朝三元

原雲笈七籤正月九日朝太素三元君

范成大正月九日雪霰後大雨詩

增夜霰三更碎瓦晝冥一陣翻盆賴是梅

花已過不然  
皺玉誰溫

初十日



衛士名簿

增舊唐書百官志凡衛士各立名簿其三年以來征防差遣仍定優劣為三第每年正月

十日送本府印記仍錄一道送本衛府若有差行上番折衝府據簿而析之

宴麟德殿

增玉海永隆二年正月十日唐太宗會羣臣命婦合宴宣政殿太常博士袁利正上疏曰

前殿正寢非命婦宴會之所帝從之改向麟德殿

賜袍笏

增通考太平興國二年正月十日宋太宗賜新及第進士胡旦以下綠袍靴笏

沐浴

原雲笈七籤正月十日人定時沐浴令人齒堅

范成大正月十日夜大雷震詩

增人言有物司鼓春到揚桴發聲但要蟄蟲啓

戶何須一

許震驚

十一日

孟昶降

增宋史西蜀世家孟昶命學士為詞題桃符以其年正月十一日降太祖命呂餘慶知成都府而長春乃聖節名也

全真啓鎖

增史纂左編馬鈺號丹陽子全真祖師命鈺鎖其菴時隆冬風雪四入而菴之所有惟筆

硯枕席布衾草履而已然形神冲暢如在春風和氣中正月十一日鎖啓師謂鈺曰從我歸去居崑崙烟霞洞

曾鞏正月十一日迎駕詩

增錦袍周衛一番新警蹕朝嚴下紫宸俗眼望來猶眩日

天顏回處自生春行齊鵷鷺常隨伏步穩驂騑不起塵歸路青雲喧鼓吹樂遊從此屬都人

十二日

海結冰凌

增王隱晉書慕容皝上言曰正月十二日臣躬征平郭遠假陛下之威將士竭命精誠感

靈海為結冰凌行海中三百餘里臣問諸故老言自立國以來初無海水冰凍之歲

藉田賦

增唐會要儀鳳二年正月十二日親耕藉田於東郊禮畢作藉田賦以示羣臣

封四瀆

增唐會要天寶六載正月十二日封四瀆號河為靈源公濟為清源公江為廣源公淮為長源

公

御前釋褐

增宋會要太平興國二年正月十二日新進士呂蒙正以下御前釋褐

雲開節

原岳陽風土記岳州自元正獻歲隣里以宴飲相慶至十二日罷謂其日為雲開節

蘇軾庚辰歲正月十二日天門冬酒熟詩

增自撥牀頭一甕雲幽人

先已醉奇芬天門冬熟新年喜麴米春香竝舍間菜圃  
漸疎雲漠漠竹扉斜掩雨紛紛擁裘睡覺知何處吹面  
東風散  
纈紋

十三日

祀九宮貴神

增舊唐書禮儀志會昌二年正月十三日  
祀九宮貴神勅宰相崔珙攝太尉行事

移仗

增唐六典開元十六年正月  
十三日移仗於興慶宮聽政

掛塔燈

原翰墨大全張乖崖帥蜀  
增十三夜燈謂之掛塔燈

六夜燈

增帝京景物畧上元六夜燈之始南宋也淳祐  
三年請預放元宵自十三日起巷陌橋道皆編

竹張燈

散燈

增帝京景物畧十三日家以小瑗一百八枚夜燈之偏散井竈門戶砧石曰散燈也其聚如螢散如

星

神聖降辰

原道經三元集聖之辰又劉猛將生

劉邦彥十三夜觀燈詩

增珠簾半捲將團月玉指初調未合笙新放華燈連九陌舊傳

金鑰啓

重城

十四日

宮寺焚香

增宋史禮志大中祥符八年正月書門下上言伏覩今月十四日皇帝詣諸宮寺焚香

總三十餘處過百拜以上伏望自今正殿再拜諸殿令羣臣以下分拜庶垂億載允叶通規

賜錢宴飲

增宋史禮志真宗景德元年正月十四日賜大食三佛齋蒲端諸國進奉使緡錢令觀燈

宴飲

御樓同樂

增東齋錄宋仁宗正月十四日御樓遣中使傳宣從官曰朕非遊觀與民同樂耳蔡襄詩

高列千峯寶炬森端門方喜翠華臨宸遊不為三元夜樂事還同萬衆心天上清光留此夕人間和氣閣春陰要知盡慶華封祝四十餘年惠愛深

觀燈山

增東京夢華錄正月十四日車駕幸五岳觀迎祥池賜羣臣宴至晚還內每常駕出有紅紗帖

金燭籠二百對元宵加以琉璃玉柱掌扇燈快行家各執紅紗珠絡燈籠駕入燈山御輦院人員輦前喝隨竿媚來御輦團轉一遭倒行觀燈山謂之鵝鴿旋又謂之踏五花兒

呼嫦娥

增三餘帖嫦娥奔月之後羿晝夜思維正月十四夜有童子詣宮曰夫人知君懷思無從得降

明日乃月圓之候君宜用米粉作九團團如月置室西北方呼夫人名三夕可降耳如期果降

字羅占

增武林舊事吳俗每歲正月十四日以糯米穀爆於釜中名曰字羅花占又名卜穀以番白多

者為勝范成大上元吳中節物詩撚粉團藥意熬糗脯  
膊聲注撚粉糰子炒糯穀以下俗名字婁北人號糯米花

水燈

增續文獻通考洪武五年正月十四日勅近臣於秦淮河燃水燈萬枝十五日夜半竣事隨有佛光

五道從東北貫月燭天良久乃已

村歌社舞

增傳燈錄徑山大慧宗杲禪師上堂曰正月十四十五雙徑提鑼打鼓要識祖意西來看

取村歌

社舞

御製昇平嘉宴同羣臣賦詩用栢梁體

并序

朕於宣政聽覽之餘講貫經義歷觀史冊於書見元首  
股肱賡颺喜起之盛於詩見鹿鳴天保諸篇未嘗不慕  
古之君臣一德一心相悅若斯之隆也今際海內宴安  
兵革偃息首春令序九陌燈輝豐穰有徵吾民咸樂思  
與諸臣欣時式燕爰於乾清宮廣集簪裾肆筵授几斯  
時也蟾光鰲炬焜耀堂廉綵樹瓊葩雜羅樽俎許笑言



之勿禁寬儀法之不糾復令次登文陞渥以金罍咸俾  
有三爵油油之色焉易曰上下交而志同傳曰享以訓  
恭儉宴以示慈惠則今日之兕觥旨酒豈徒以飲食宴  
樂云爾哉顧瞻諸臣或位居諧弼或職任卿尹或典文  
翰或司獻納宜共成篇什以紹雅頌之音朕發端首倡  
傲栢梁體班聯遞賡用昭昇平盛事冀垂不朽云康熙  
二十一年正月十四日

麗日和風被萬方

御製

卿雲爛熳彌紫閭

內閣大學士臣勒德洪

一堂

喜起歌明良

內閣大學士臣明珠

止戈化洽民物昌

內閣大學士臣李蔚

蓼

蕭燕譽

聖恩長

內閣大學士臣馮溥

天心昭格時雨暘

吏部尚書臣黃機

豐亨有

兆祝千箱

戶部尚書臣梁清標

禮樂文章仰

聖皇

禮部尚書臣吳正治

廟謨指授靖八荒

兵部尚書臣宋德宜

春回丹詔

罷桁楊

刑部尚書臣魏象樞

河清海宴禹績彰

工部尚書臣朱之弼

百度胥

飭綱紀張

都察院左都御史臣徐元文

千官濟濟盈巖廊

吏部左侍郎臣張士

甄

天工無曠勤贊勳

吏部右侍郎臣楊永寧

有年歌協臣所望

戶部

左侍郎臣李天馥

共期紅朽荅殊常

戶部右侍郎臣李仙根

轉漕億萬克

天倉

戶部倉場侍郎臣馬汝驥

邦禮叨贊慚趨蹌

禮部左侍郎臣楊正中

職司

寅清佐垂裳

禮部右侍郎臣富鴻基

天河洗甲通蠻鄉

兵部左侍郎臣焦毓

瑞

皇威四暢咸來王

兵部右侍郎臣陳一炳

祇承欽恤和氣翔

刑部左侍郎

郎臣杜臻刑措不用民壽康

刑部右侍郎臣葉方藹

八材庀化師爰斨

工部左侍郎臣趙璟右平左城開明堂

工部右侍郎臣金萬仰窺神策驅天

狼

內閣學士臣李光地

膏以大澤人胥慶

內閣學士臣張玉書

帝庸作歌追虞唐

翰林院掌院學士臣陳廷敬

身依雲漢賡天章

翰林

院學士恪秉訓厲敦羔羊

都察院左副都御史臣宋文運

奉宣仁風之

吳疆

巡撫江寧右副都御史臣余國柱

九閣詆蕩瞻龍光

通政使司通政使臣王盛

唐

斗杓高掩貫索芒

大理寺卿臣張雲翼

圖列養正親羨墻

詹事府詹

事臣

黃鐘大鏞諧禎祥

太常寺卿臣崔澄

郊衢擊壤歡豐穰

順天

府府尹臣

大官珍膳羅酒漿

光祿寺卿臣馬世濟

調閑六御騰康

熊一瀟

莊太僕寺卿臣張可前

忝預風紀凜清霜

都察院僉都御史臣張吉午

出入玉

珮聲鏘鏘

通政使司左通政臣崔官

納言惟允尚職詳

通政使司右通政臣吳典

褒忠勵節感賜觴

通政使司右通政臣陳汝器

園扉閒寂春草芳

大理

寺少卿臣

拜手好生頌禹湯

大理寺少卿臣徐旭齡

前星令望欽

崇國祚

顯印

詹事府少詹臣王澤宏

終始念典用斯臧

詹事府少詹臣崔蔚林

言模

行範輝縹緗

翰林院侍讀學士臣蔣宏道

猗歟至德日就將

翰林院侍讀學

士臣胡簡敬

叨塵侍從恩莫量

翰林院侍讀學士臣朱之佐

靖共夙夜無

怠遑

翰林院侍講學士臣嚴我斯

梧桐生矣於高岡

翰林院侍講學士臣孫在豐

紬書東觀翰墨香

翰林院侍講學士臣盧琦

三德六行為士坊

國子監祭

酒臣王士正

宮府備位滋悚惶

右春坊右庶子臣祖文謨

六經義叶如笙

簪

翰林院侍讀臣朱典

奎文煥若森琳瑯

翰林院侍讀臣王封滌

朝朝橐筆

侍御牀

翰林院侍講臣董訥

紀載

聖治金匱藏

翰林院侍講臣王鴻緒

頻年宣室虛對揚

翰林院侍講臣高士

奇

宸篇挾藻燭昊蒼

翰林院侍講臣郭榮

承華毓德成圭璋

左春坊左諭德

臣陳

青宮琪樹棲鸞凰

右春坊右諭德臣朱世熙

金輿導從驟雲驤

司經局洗馬臣田喜霽

杲思流影耀壁璫

通政使司左參議臣趙世麟

仁波溟

渤同濺汪

通政使司左參議臣趙之鼎

鸞旂乘春零露漙

通政使司右參議臣

張鵬爰賡天保矢勿忘通政使司右參議臣鄭重八表同軌來梯航大

寺寺丞臣雲門磬管聲隍隍右春坊右中允臣吳珂鳴泰交天闕開

春陽左春坊左中允臣李錄予惟睿作聖金玉相右春坊右中允臣鄭開極珥筆

何幸日月傍左春坊左贊善臣徐乾學瑞逾寶鼎兼芝房左春坊左贊善臣鄭

之堯樽夜醉星低昂右春坊右贊善臣沈上墉在廷悅豫和宮商右

坊右贊善臣王尹方濫典樂正董上庠國子監司業臣劉芳喆治登三五休

聲颺翰林院修撰臣歸允肅睿謨典誥同洋洋翰林院編修臣王頊齡記神

聖功臣職當翰林院編修臣曹禾琅函瑤版書焜煌翰林院檢討臣潘耒石

渠高議艾秕糠

翰林院檢討  
臣嚴繩孫

日侍清禁研鉛黃

翰林院  
編修臣

杜願言直節謹自防

吏科掌印給事  
中臣王承祖

帝心勤民重農桑

戶科掌印給事  
中臣王曰溫

具舉細目恢宏綱

禮科

掌印給事誕敷文德四國匡

兵科掌印給事  
中臣劉沛先

嘉禾既殖

鋤莠稂

刑科掌印給事  
中臣傅感丁

奉琛執玉輸篚筐

工科掌印給  
事中臣姚締

虞屈軼朱草紛兩廂

掌河南道御  
史臣唐朝彝

封章問夜檢皂囊

掌河

南道御史

擬將勁操堅蒼筤

掌浙江道御  
史臣李見龍

朝無闕事聯

班行

掌山西道御  
史臣郭維藩

千門燎火宵未央

掌山東道御  
史臣孫必振

昇平



高宴邁栢梁

掌陝西道御史臣衛執蒲

歐陽修正月十四日漁家傲詞

增正月斗杓初轉勢金刀剪綵工夫異稱慶高

堂懽幼稚看柳意偏從東面春風至十四新蟾圓尚未樓前乍看紅燈試永散綠池泉細細魚欲戲園林已是花天氣

梅堯臣正月十四日夜有感詩

增燈光煖熱夜催春天半樓開飲近臣馳道橫

頭起山岳露臺

周匝簇車輪

楊萬里姑蘇館上元前一夕陪使客觀燈詩

增節物催人又一番

銀花蓮炬照金尊麝館官樣

陪公讌粉繭鄉風憶故園

劉邦彥十四夜觀燈詩

增鈿車過去拋珠果寶騎重來  
聽玉簫共約更深歸及早大家

明日看  
通宵

十五日

祠門戶

增荆楚歲時記正月十五日作豆糜加油膏其  
上以祠門戶先以楊柳枝插門隨楊柳枝所指

仍以酒脯飲食及  
豆粥插箸而祭之

南郊

增宋書禮志孝建二年正月有司奏今月十五日  
南郊尋舊儀廟祠至尊親奉以太尉亞獻南郊親

奉以太  
常亞獻

迎紫姑

原異苑世有紫姑神相傳云是人家妾為大婦  
所疾每以穢事相次役正月十五日感激而死

故世人以其日作其形夜於廁間或豬欄邊迎之祝曰  
子胥不在是其婿名也曹姑亦歸曹即其大婦也小姑  
可出戲投者覺重便是神來奠設酒果亦覺貌輝輝有  
色即跳躑不住能占衆事卜行年蠶桑增春渚紀聞政  
和二年襄邑民因上元請紫姑神為戲既書紙問其字  
徑大或問之曰汝更能書否即書曰請連黏襄表二百  
幅當為作一福字或曰紙易耳安得許大筆也曰請用  
麻皮十舳縛作令徑二尺許墨漿以大器貯備濡染也  
諸好事因集紙筆就一富人麥場鋪展聚觀神至書云  
請一人繫筆於項其人不覺身之騰踔往來場間須臾  
字成端麗如顏書復取小筆書於紙角云持往宣德門  
賣錢五百貫文既而縣以妖捕大府取就鞠治訖無他  
狀即具奏知有旨令就後苑再書驗之上皇為幸苑中  
臨視乃書一慶字與前書福字大小相稱字體亦同上  
皇大奇之因令於襄邑擇地建祠歲祀之李商隱正月  
十五夜詩月色燈光滿帝都香車寶輦臨通衢身閒不

觀中興盛羞逐鄉人賽紫姑蘇軾紫姑神詞序黃之僑  
人郭氏每歲正月迎紫姑神以箕為腹箸為口畫灰盤  
中為詩敏捷立成余往觀之神請余作少年遊乃以此  
戲之詞云玉肌鉛粉傲秋霜準擬鳳呼凰伶倫不見清  
香未吐糠粃且吹揚到處成雙君獨隻空無  
數爛文章一點香檀誰能借箸無復似張良

漁陽撻撾

原世說禰衡被魏武謫為鼓吏正月半試鼓  
衡揚桴為漁陽撻撾淵淵有金石聲四座為

之改容

作膏粥

原續齊諧記吳縣張成夜見一婦人立宅東南  
角謂成曰此地是君家蠶室我即此地之神明

日正月半宜作白粥泛膏於上以祭我當令君蠶桑百  
倍言絕失所在成如言作膏粥年年大得蠶也世人正  
月半作粥禱之加肉覆其上登屋食之咒曰登膏糜  
挾鼠腦欲來不來待我三蠶老則是為蠶逐鼠矣

玉梁糕

原玉燭寶典洛陽人家上元食玉梁糕

打竹簇

增北齊余未文暢傳魏氏舊俗以正月十五日夜為打竹簇之戲有能中者即時賞帛

登高

原隋書元胄傳高祖正月十五日與近臣登高時胄下直上令馳名之謂胄曰公與外人登高未若

就朕勝也  
賜宴極歡

大戲

增隋書長孫平傳相州正月十五百姓大戲畫衣裳為鏊甲之象

禁角觝

原北史柳彧傳彧見都邑百姓每至正月十五日作角觝戲上奏請禁絕之曰竊見京邑爰及

外州每以正月望夜充街塞陌鳴鼓聒天燎炬照地人戴獸面男為女服竭貲破產競此一時請頒天下竝即

禁斷詔

可其奏

踏歌

原舊唐書睿宗紀先天二年正月上元日夜上御安福門觀燈出內人連袂踏歌增張說十五夜御

前口號踏歌詞二首花萼樓前雨露新長安城裏太平人龍銜火樹千重焰雞踏蓮花萬歲春帝宮三五戲春臺行雨流風莫妬來西域燈輪千影合東華金闕萬重開

御勤政樓

增舊唐書音樂志明皇每初年望夜御勤政樓觀燈作樂太常樂府懸散樂畢即遣宮女

於樓前縛架出眺歌舞以娛之若繩戲竿木詭異巧妙固無其比王邕勤政樓花竿賦皇上朝萬國宴千官當獻歲之令節御高樓而賜歡應和風奏以天樂耀長伎出乎花竿

咸泰殿上壽

增舊唐書穆宗蕭皇后傳開成中正月望夜帝於咸泰殿陳燈燭奏仙韶樂二宮太

后俱集奉觴上

壽如家人禮

樂昌合鏡

原青瑣集陳徐德言之妻後主叔寶之妹樂昌公主也才色冠絕時陳政方亂德言知不

相保乃破一照鏡人執其半約曰鬻此必以正月望日及陳亡其妻入楊越公家德言流落至京遂以正月望日訪於都市果有蒼頭鬻半照者德言引至其居出半照合之具言其故越公知之還其妻

燈輪

原朝野僉載睿宗先天二年正月十五十六十七夜於安福門外作燈輪高二丈衣以錦繡飾以

金銀然五萬盞燈望之如花樹於燈輪下踏歌三日夜增陳子昂詩三五月華新遨遊逐上春芳宵殊未極隨

意守燈輪韓仲宣上元夜詩他鄉月夜人相伴看燈輪光隨九華出影共百枝新

金吾放夜

原西京記西都京城街衢有金吾晚暝傳呼以禁夜行惟正月十五日夜勅金吾弛禁前

後各一日謂之放夜增蘇味道正月十五日詩火樹銀花合星橋鐵鎖開暗塵隨馬去明月逐人來遊妓皆穠

李行歌盡落梅金吾不禁夜玉漏莫相催王諲元夕觀  
燈詩暫得金吾夜通看火樹春周邦彥上元解語花詞  
因念都城放夜望千門如晝嬉笑遊  
冶鈿車羅帕相逢處自有暗塵隨馬

火樹

增段成式上元唱和詩火樹枝柯密燭龍鱗角張  
錢惟演詩九枝火樹連金狄萬里霜輪上壁璫李

宗諤燈夕詩歷歷星榆光  
奪畫煌煌火樹艷爭春

傳柑

原千金月令上元夜登樓貴戚例有黃柑相遺謂  
之傳柑增蘇軾上元侍飲詩歸來一點殘燈在猶

有傳柑遺細君張輿元宵詩大地金蓮分夜色上方玉  
燭慰民心歸來更有傳柑宴坐列宮釵十二金吳億元  
夕燭影搖紅詞誰識遨頭去年會侍傳  
柑宴至今衣袖帶天香行處氤氳滿

百枝燈樹

原開天遺事韓國夫人置百枝燈樹高八十  
尺豎之高山上元夜點之百里皆見光明奪



月色增王庭筠元宵詞夜夜  
華燈萬樹年年碧海三山

# 探官

原開天遺事都中每至正月十五日造麵繭以官  
位帖子置其中探之卜官位高下或賭筵宴以為

戲笑

# 涼州燈

原集異記明皇觀燈於上陽宮召葉法善觀於  
樓下法善曰燈固盛矣西涼今夕之燈亦不亞

此上曰可得一往乎法善令上閉目上依其言閉目距  
躍身在霄漢已而足及地法善曰可以觀矣既視燈燭  
連亘十數里車馬駢闐士女紛雜上稱其盛久之法善  
曰觀覽畢可回矣復閉目與法善騰虛而上俄傾還故  
處而樓下歌吹猶未終

# 廣陵元夕

原幽怪錄開元十八年正月望日帝謂葉法  
善四方元夕何處最麗法善曰無踰廣陵帝

曰何術以觀之俄而虹橋起於殿前帝步而上太真高力士及樂官數人從俄頃至廣陵寺觀陳設之盛燈火之光照灼基殿士女鮮麗皆仰面曰仙人見五色雲中帝勅伶官奏霓裳羽衣曲數日廣陵奏至

影燈

原影燈記洛陽人家以影燈多者為上其相勝之辭曰千影萬影增宋史樂志三元觀燈自唐以後

常於正月望夜開坊市門然燈宋因之上元前後各一日城中張燈大內正門結綵為山樓影燈起露臺教坊陳百戲范成大吳郡志上元影燈巧麗他郡莫及有萬眼羅及琉璃毬者尤妙天下又詩萬窻花眼密千隙玉虹明注萬眼燈以碎羅紅白間砌多至萬眼琉璃毬燈每一隙映成一花

臨光宴

原影燈記正月十五夜明皇於長春殿張臨光宴白鷺轉花黃龍吐水金鳧銀燕浮光洞攢星

閣皆張燈火奏月光分曲撒闌江錦荔枝千萬顆命宮人爭拾多者賞以紅圈帔綠暈衫

燈樓

增影燈記上在東都遇正月望夜移仗上陽宮時有方都匠毛順巧思結創繒綵為燈樓二十間高

一百五十尺懸珠玉金

銀微風一至鏘然成韻

芋郎君

增影燈記元夕各家造芋郎君食之云宜男女又送雞肉酒用五木瓶貯之於親知門前留地

而去李公昂元夕瑞鶴仙詞歌朋舞社玉梅轉

鬧蛾耍且蘭占先探芋郎戲巧又卜紫姑燈下

燃燈大酺

增王維正月十五夜燃燈繼以酺宴應制詩序開元元年正月十五夜開門燃燈大酺合

樂帝御門樓臨觀以夜繼晝凡月餘而罷詩上路笙歌

滿春城刻漏長遊人多晝日明月讓燈光魚鑰通翔鳳

龍興出建章九衢陳廣樂百福透名香仙伎來金殿都

人遶玉堂定應偷妙舞從此學仙妝奉引迎三事司儀

列萬方願將天地壽同以獻君王崔液元夕詩鳩鵲樓

前新月滿鳳凰臺上寶燈燃史達祖燈夕詞酒館歌雲

燈街舞繡笑聲喧似簫鼓太平京國多歡大酺綺羅幾處

拔河

增封氏間見記拔河古謂之牽鈎襄漢風俗常以正月望日為之以大麻絙長四五十丈兩頭分繫

小索數百條挂於前分二朋兩鈎齊挽當大絙之中立大旗為界震鼓叫噪使相牽引以却者為輸名曰拔河

李暮摩笛

增元稹連昌宮詞李暮摩笛傍宮牆偷得新翻數般曲自注明皇嘗於上陽宮夜後按新

翻一曲屬明夕正月十五日潛遊燈下忽聞酒樓上有笛奏前夕新曲大駭之明日密遣捕捉笛者詰驗之自云其夕竊於天津橋玩月間宮中度曲遂於橋柱上插譜記之臣即長安少年善笛者李暮也上異而遣之

油餠

增膳夫錄汴中節食上元油餠

油畫明珠

增食譜張手美家上元油畫明珠

辟蟲

增四時纂要正月十五日殘餅糜熬令焦和穀種之能辟蟲

門樓觀燈

增宋史禮志太祖建隆二年上元節御明德門樓觀燈召宰相樞密兩省五品以上官飲

宴江南吳越朝貢使與焉

喫葢煮飯

原錢氏私誌宋郊居政府上元夜在書院讀易弟祁時為學士是夜張燈擁妓痛飲達旦

明日郊令所親云相公寄語學士曾記某年上元同在某州學喫葢煮飯否學士笑云寄語相公不知某年喫葢煮飯是為甚的

御乾元門

增春明退朝錄上元然燈唐以前歲不常設本朝太宗時三元不禁夜上元御乾元門中

元下元御東華門後罷中元下元二節而初元游觀之盛冠於前代

慶太平

增三朝聖政錄真宗皇帝因元夕觀燈見都人熙熙舉酒顧宰執曰祖宗創業艱難今獲觀太

平與卿等同慶宰執稱賀皆飲醕向子諲上元詞登複道聽鳴鞘再頒酥酒賜臣僚太平無事多歡樂夜半傳宣放

早朝

乳糖獅子

增高齋漫錄熙寧中上元宣仁太后御樓張燈召集外族神宗數請推恩宣仁云自有處

分大者絹一疋小者各與乳糖獅子兩個中外咸仰后德

預賞

增東京夢華錄宣和年間自十二月於酸棗門如元夜點照門下置露臺南至寶錄宮兩邊關撲買

賣仕女觀者中貴邀住勸酒一金杯令退直至上元謂之預賞

京尹彈壓

增鐵圍山叢談宣和六年春正月甲子實上元節故事天子御樓觀燈則開封尹設次以

彈壓於西觀下錢惟善元宵詩彈壓城池夜屬索放燈那復事奢豪

### 賜宮花

增聞見近錄紹聖二年上元幸集禧觀出宮花賜從駕臣僚各數十枝時人榮之是冲之上元

詞帽落宮花衣惹御

香鳳輦晚來初過

### 賜詩酒

增事文類聚至道元年燈夕太宗御樓時李文正昉以司空致仕於家上亟以安車召至賜坐

數對明爽精力康勁上親

酌御樽飲之因賜詩焉

### 長燈詩

原晁氏客話蔡君謨守福州上元日命民間一家點燈七盞陳顯作大燈長大餘大書云富家

一盞燈太倉一粒粟貧家一盞燈父子相對哭風流

太守知不知猶恨笙歌無妙曲君謨見之還興罷燈

### 奪崑崙

原筆談狄青宣撫廣西時儂智高守崑崙闕青至賓州值上元大張燈燭首夜享將佐次夜宴

從軍官二鼓青稱疾輒起令孫元規暫主席數使人勞坐客至曉各未敢退忽有馳報是夜三鼓青已奪崑崙矣

還遺金

增厚德錄竇禹鈞嘗因元夕往延慶寺於後殿階側得遺銀二百兩金三十兩持歸明日侵晨

詣寺候失物者須臾一人果涕泣而至禹鈞問之對曰父罪犯至大辟徧懇親知貸得金銀將贖父罪昨暮以一親置酒酒昏忽失去今父罪不復贖矣公驗其實遂同歸以舊物還之

祀太乙

原容齋隨筆上元張燈太平御覽所載史記樂書曰漢家祀太乙祠以昏時祀到明今人正月

望日夜遊觀燈是其遺事增王安石和劉貢父上元詩不知太乙遊何處定把青藜獨照公

宜男蟬

原歲時雜記都人上元作宜男蟬如蛾而大



賜金犀錢果

增程史神宗朝王襄敏韶在京師會元夕張燈家人皆步出將帷觀焉幼子案方能

言珠帽襖服馮肩以從至宣德門上方御樓薌雲綵鰲  
蕭吹雷動士女仰視喧擁闐咽轉盼已失所在乃姦人  
利其服裝竊負而趨家覺負已者之異也亟納珠帽於  
懷適內家車數乘將入東華家攀憶呼焉中大人悅其  
韶秀抱置之膝翌早擁至上閣以為宜男之祥上問以  
誰氏竦然對曰兒乃韶之幼子也具道所以上顧以占  
對不凡歎其早慧密詔開封捕賊戮之  
乃命載以歸賜壓驚金犀錢果直鉅萬

浮圓子

增周必大元宵煮浮圓子詩今夕知何夕團圓  
事事同湯官尋舊味竈婢詫新功星燦烏雲裏

珠浮濁水中歲時編  
雜咏附此說家風

畫鴨子

增范成大上元吳中節物詩鳧  
子描丹筆注紅畫鴨子相餽遺

百草靈

增范成大上元吳中節物詩筵筭巫志怪香火婢輸誠注俗謂正月百草靈故帝葦針箕之屬

皆卜焉多婢子之輩為之又詩帚卜拖裙驗箕詩落筆驚微如針屬尾賤及草分莖注樊帚繫裙以下名埽帚姑又古紫姑今謂之大仙俗名筭箕姑又以針卜伺其尾相屬為兆名針姑葦莖分合為卜名葦姑陸游箕卜詩孟春百草靈古俗迎紫姑厨中取竹箕冒以婦裙襦豎子夾扶持插筆祝其書俄若有物憑對答不須臾豈必考中否一笑聊相娛詩章亦間作酒食隨所須興闌忽辭去誰能執其祛

社火

增范成大上元吳中節物詩輕薄行歌過顛狂社舞呈注民間鼓樂謂之社火大抵以滑稽取笑

賦瑞雪

增玉海雍熙二年正月己未上元御乾元門樓觀燈夜漏初上密雪忽降上謂宰相曰可各賦

觀燈夜瑞雪滿皇州詩以為娛樂上賦詩示羣臣宰相宋琪等咸奉和

繭卜

增楊萬里詩兒女炊玉作繭絲中藏吉語默有所  
小兒祝身取官早小女只求蠶事好注上元夜里

俗粉米為繭絲書吉語置其中

以占一歲之禍福謂之繭卜

鰲山

增乾淳歲時記元夕二鼓上乘小輦幸宣德門觀  
鰲山擎輦者皆倒行以便觀賞山燈凡數千百種

極其新巧中以五色玉柵簇成皇帝萬歲四大字其上  
伶官奏樂其下為大露臺百藝羣工競呈奇技內人及  
小黃門百餘皆巾裹翠蛾倣街房清樂傀儡繚繞於燈  
月之下宮漏既深始宣放烟火百餘架於是樂聲四起  
燭影縱橫而駕始還矣西湖志餘鰲山燈品以蘇燈為  
最其後福州所進純用白玉新安所進圈骨悉皆琉璃  
號無骨燈禁中作琉璃燈山高五丈人物皆為機關轉  
動如活結大綵樓貯之原皇明通紀永樂十年正月元  
宵賜百官宴聽臣民赴午門外觀鰲山三日時尚書夏  
原吉侍其母往觀鰲山上聞之曰賢母也命官齎鈔二

百錠即其家賜之增王珪元夕應制詩雙鳳雲中扶輦  
下六鰲海上駕山來晁冲之上元詞御樓烟煖對鰲山  
綵結簫鼓向晚鳳輦初回宮闕千門燈火九衢風月向  
子諲上元鷓鴣天詞紫禁烟光一萬重午門金碧對晴  
空梨園羯鼓三千面  
陸海鰲山十二峰

燈市

增乾淳歲時記都城自舊歲孟冬天街茶肆漸已  
羅列燈毬等求售謂之燈市至節漸有大隊如四

國朝傀儡杆歌之類多至數十百隊天街鼓吹不  
絕范成大上元節物詩酒壚先疊鼓燈市早投瓊

火楊梅

增乾淳歲時記元夕以棗肉炭屑  
為丸繫以鐵絲然之名火楊梅

買市

增乾淳歲時記元夕京尹乘小提轎諸舞隊次第  
簇擁前後連亘數十里錦繡填委簫鼓振作吏魁

以大囊貯楮券凡遇小經  
紀人必犒數十謂之買市

裝燈

增乾淳歲時記京尹幕次例占市西坊繁鬧之地  
黃燭粃盆照耀如晝其前列荷校囚數人大書犯

由云某人不合搶撲釵環挨擔婦女繼而行遣一  
二謂之裝燈其實皆三獄罪囚姑借此以警姦民

琉璃泡燈

增乾淳歲時記幽坊靜巷好事之家多設五色琉璃泡燈更自雅潔

鬧蛾

增乾淳歲時記元夕婦人皆帶珠翠鬧蛾原與之  
上元瑞鶴仙詞鬧蛾兒滿路成團打塊簇著冠兒

鬪轉王庭筠元宵清平樂詞瓊枝搖月簾捲

黃金闕宮鬢蛾兒雙翠葉點綴離離鬧雪

夜蛾

增乾淳歲時記元夕以白紙為大蟬謂之夜蛾范  
成大上元吳中節物詩花蝶夜蛾迎注大白蛾花

無貴賤悉戴之  
亦以迎春物也

節食

增乾淳歲時記元夕節食所尚則乳糖九子餛飩  
料斗粉豉湯水晶膾韭餅及南北珍果并皂兒糕

澄沙糰子滴酥鮑螺酪麪玉消膏琥珀餠輕餠生熟灌  
藕諸色瓏纒蜜煎蜜裹糖瓜菱煎七寶薑豉十般糖之  
類皆用鏤鏤裝花盤架車兒簇插飛蛾紅燈綵盞歌叫  
喧闐幕次往往使之吟叫倍酌其直范成大上元節物  
詩寶糖珍粧烏膩美飴餠注餠拍吳中謂之寶  
糖餠特為脆美烏膩糖即白餠俗言能去烏膩  
市食合兒增乾淳歲時記元夕競以金盤鈿合簇飭饋遺謂之市食合兒翠簾銷幕絳燭紗籠戲具  
粉嬰鬻歌售藝者紛然而集

掃街增乾淳歲時記元夕夜闌有持小燈照路拾遺者謂之掃街遺鈿墮珥往往得之張蕭遠詩寶釵驟馬多遺落依舊明朝在路旁

鵲巢燈山增齊東野語壽和謝太后方選進時是歲天台郡元夕有鵲巢燈山間衆頗驚異識者以

為鵲巢乃后妃之  
祥果正中宮之位

錢燈會

增歲華紀麗譜上元節放燈十四十五十六三日皆早宴大慈寺晚宴五門樓人為錢燈會蓋

燈夕二都監戎服分巡以察姦盜  
既罷故作宴以勞焉通判主之

猜燈

增西湖志餘元宵前後好事者或為藏頭詩句任人商猜謂之猜燈

講洪範

增吹劍錄陸象山知荆門上元當設醮乃講洪範錫福章以代之

祭天妃

增續文獻通考永樂五年建天妃廟於應天府治正月十五日遣南京太常寺官祭

祭天師

原續文獻通考張道陵唐冊封天師國朝仍令傳襲正一嗣教真人歲以正月十五日為祖師

示現之辰遣官詣

大德靈顯宮告祭

中岳真人

增續文獻通考王元甫學道於赤城霍山服青精石飯吞日精月影之法內見五藏晉永

和元年正月十五日乘

龍昇天為中岳真人

三夜燈

增帝京景物略上元三夜燈之始盛唐也明皇正月十五前後二夜金吾弛禁開市燃燈永為

式

五夜燈

增帝京景物略上元五夜燈之始北宋也乾德五年太祖詔曰朝廷無事年穀屢登上元可增

十七十八兩夜杭州府志元宵前後五夜張燈相傳宋初只三夜錢王納土後置添兩夜以五夜清明為五穀

豐登

之兆

太平鼓

增帝京景物略元夕童子撾鼓傍晚向曉曰太平鼓



燈假

增北京歲華記元夕官裏放燈假五日夜行不禁

舍利放光

增西域記摩喝陀國正月十五日僧徒俗衆雲集觀佛舍利放光雨花

天雨寶華

增法苑珠林漢永平十四年正月五岳諸山道士願與西僧比較辨真偽勅以十五日集

白馬寺道士齋道經置於三壇縱火焚經經從火化佛舍利經像置於道西光明五色直上空中旋環如蓋於

時天雨寶華

大衆咸悅

三官下降

原修真指要上元日天地水府三官朝天之辰上元十天靈官神仙兵馬與上聖高真妙

行真人同下降人間考定罪福七修藁唐開元間謂天官好樂地官好人水官好燈正月十五日乃三官下降

之日故從十四

至十六夜放假

二真飛昇

原修真指要上元日張靈源真人張元精真人飛昇之辰

佑聖誕

原談薈正月十五日佑聖司命真君誕

御製上元詩月華連晝色燈火雜星辰彩仗移雙闕瓊筵

會大臣

御製上元幸萬善殿戲作雪霽輕寒景物鮮上元臨幸遇  
參禪方丈無人般若靜天花虛落古松前

御製燈節戲作隱隱光風度柳條千尋銀箭列丹霄龍銜  
火樹開花看欲見山青待雪消

御製元夜與諸王宴飲乾清宮詩今夕丹帷宴聯翩集懿  
親傳柑宣令節行葦樂芳春香泛紅螺重光搖絳蠟新  
不須歌湛露明月足留人

崔液上元詩

增神燈佛火百輪張刻像圖形七寶裝  
影裏如開金口說空中似散玉毫光

白居易十五夜月詩

增歲熟人心樂朝遊復夜遊春風  
來海上明月在江頭燈火家家市

笙歌處處樓無妨思

帝里不合厭杭州

張祐十五夜燈詩

增千門開鑠萬燈明正月中旬動帝  
京三百內人連袖舞一時天上著詞

聲

夏竦和聖製上元觀燈詩

增魚龍曼衍六街呈金鎖通宵啓玉京冉冉遊塵生輦道

遲遲春箭入歌聲寶坊月皦龍燈淡紫館風微  
鶴醖平宴罷南端天欲曉迴瞻河漢尚盈盈

王安石上元詩

增車馬紛紛白晝同萬家燈火暖春風  
別開閭闔壺天外特起蓬萊陸海中

梅堯臣元夕詩

增春風來解吹殘雪燈燭迎陽萬戶燃  
競看繁星在平地不妨明月滿中天

袍已向端門御仙曲初聞法部傳車  
馬不閑通曙色康莊時見拾珠鈿

張耒上元燈夕詩

增九衢風靜燭無烟寶馬香車往復  
還三十二天應降瑞盡移星斗照人

間

范成大元夕詩

增粉痕紅點萬花攢玉氣珠光寶月團  
簾箔通明香似霧東君無處著春寒

劉邦彥十五夜觀燈詩

增一派春聲送管絃九衢燈燭上熏天歸遲不屬金吾禁爭覓

遺簪與

墮鈿

十六日

打旋羅

增東京夢華錄正月十六日車駕登門縱萬姓遊賞諸營班院於法不得夜遊各以竹竿出燈

毬於半空遠近高低若飛星然又以竹架子出青傘上裝綴梅紅縷金小燈籠子架子前後亦設燈籠敲鼓應拍團團轉走謂之打旋羅

玉津習射

增玉海乾德二年正月十六日乙巳幸玉津園命從臣習射帝中的者五

閱金玉輅

增玉海慶厯七年將郊祀正月十六日辛卯御大慶殿門閱新作金玉輅

耗磨日

原橋簡贅筆正月十六日古謂之耗磨日官私不開倉庫飲酒如今之社日增張說耗日飲酒

詩耗磨傳茲日縱橫道未宜但令不思醉翻是樂無為又上月今朝減流傳耗磨辰還將不事事同醉俗中人

走橋

原帝京景物略正月十六日婦女著白綾衫隊而宵行謂無腰腿諸疾曰走橋楚通志婦女相率宵

行以消疾厄謂之走百病增張宿詩白綾衫照月光殊走過橋來百病無

摸釘

原帝京景物略正月十六日婦女至城各門手暗觸釘謂男子祥曰摸釘

結羊腸

原霏雪錄北方士女正月十六日用舊歷日紙九道為繩亂結以首尾聯屬者為兆謂之結羊

腸增趙孟頫結羊腸詩十六初過上元節家家女兒結羊腸含情暗卜心自語何時得似雙鴛鴦

御製南巡再過濟南詩六御重經歷下城頻將疾苦問蒼

生肩摩轂擊風猶在土沃農恬世久平戶戶春燈佳節

過

時上元次日

村村社鼓樂郊盈韶年漸布陽和澤淑氣晴

光伏外橫

劉邦彥十六夜觀燈詩

增次第看燈俗舊傳寶箏重按十三絃人心未必今宵異兔魄

還如昨夜

圓

十七日

靈寶符

增舊唐書禮志天寶元年正月癸丑陳王府參軍田同秀稱於京永昌街空中見玄元皇帝傳

言天下太平聖壽無疆仍云桃林縣故關令尹喜宅有靈寶符發使求之十七日獻於含元殿

祝長春

增宋史禮志建隆元年請以二月十六日為長春節正月十七日於大相國寺建道場以祝壽

至日上壽退百

僚詣寺行香

置武舉

增玉海長安二年正月十七日始置武舉每年準明經進士例送其制有長垛馬射步射平射

筒射又有馬槍剋

關負重身材之選

觀耕

增玉海雍熙五年正月十七日御觀耕臺觀王公耕

萬壽節

增金史熙宗紀天會十四年正月十七日萬壽節齊高麗夏遣使來賀

十夜燈

原帝京景物畧太祖初建南都盛為綵樓招徠天下富商放燈十日今北都燈市起初八至十

三而盛迄

十七乃罷



劉邦彥十七夜觀燈詩

增繡簾窳地護輕寒明月來遲  
鳳蠟殘試看燒燈如白日鰲山

無影海漫漫

十八日

祠明堂

增宋書禮志泰始七年十月庚子有司奏來年  
正月十八日祠明堂尋舊儀南郊與明堂同日

竝告太廟

宴輔臣

增宋史禮志宣和七年正  
月十八日宴輔臣觀燈

九推

增玉海開元二十三年正月十八日親祀先農降  
至耕位侍中執耒太僕秉轡上謂左右曰帝藉之

禮古則三推朕今九  
推庶九穀之報也

微行聽卜

增揮塵後錄楚俗過元夕第三夜多以更闌時微行聽人言語以卜一歲之通塞

鶴翔殿庭

增金史五行志元光二年正月十八日辛酉日午有鶴千餘翔殿庭移刻乃去

達陽氣

原翰墨大全天寶六載正月十八日詔重門夜開以達陽氣

草船

增楚通志正月十八日夜燒燈以草為船實以紙馬送至江許焚之謂之禳災

蘇軾正月十八日蔡州道上遇雪詩

增蘭菊有生意微陽回寸根方憂集

暮雪復喜迎朝暾憶我故居室浮光動南軒松竹半傾瀉未數葵與萱三徑瑤草合一餅井花溫至今行吟處尚餘履舄痕

十九日

收燈

原東京夢華錄十九日收燈畢都人爭先出城採春增劉鎮錢元宵浣溪沙詞簾幕收燈斷續紅歌

臺人散彩雲空夜寒歸路噤魚龍

燕九節

原帝京景物略丘真人名處機字通密號長春子金皇統戊辰正月十九日生都人以正月十

九日致漿祠下遊冶紛沓走馬捕博謂之燕九節增吳寬燕九日歌京師勝日稱燕九少年盡向城西走白雲觀前作大會射箭擊毬人馬吼

越國英烈王誕

原新安志歙人汪華少以俠烈聞隋末保據宣杭睦婺饒五州建號吳王唐武

德開籍土地戶口納款於朝授歙刺史封越國公

二十日

作帝範

增唐會要貞觀二十三年正月二十日作帝範十二篇曰君體建親求賢審官納諫去讒戒盈

崇儉賞罰務

農閭武崇文

喜春雨

增王海天禧元年正月二十日已未作喜春雨詩賜學士以下屬和

會試

增金史選舉志漢人進士正月二十日會試

補天穿

原李觀詩序正月二十日俗號天穿日以煎餅置屋上謂之補天感而為詩媧皇沒後幾多年

夏伏冬愆任自然只有人間閒婦女一枚煎餅補天穿增葛勝仲天穿節驀山溪詞望雲門外油壁如流水空巷逐朱旂步春風香河七里冶容袵服摸石道宜男穿翠靄度飛橋影在清漪裏

蘇軾正月二十日往岐亭郡人潘古郭三人送於女王

城東禪莊院詩

增十日春寒不出門不知江柳已搖村稍聞泱泱流水谷盡放青青沒燒痕

陸游正月二十日晨起弄筆詩

增零落殘梅臨小約縱橫野水赴清池物華撩

我緣何事似恐新年漸廢詩

二十一日

六合還淳舞

增舊唐書音樂志調露二年正月二十一日則天御洛城南樓賜宴太常奏六合還

淳舞

酬人日詩

增杜甫追酬高蜀州人日見寄詩序大厯五年正月二十一日却追酬高公此作詩自蒙

蜀州人日作不意清詩久零落今晨散帙眼忽開迸淚幽吟事如昨

奉天書

增宋史禮志真宗祥符六年正月二十一日帝服通天冠絳紗袍奉上太上老君加號冊寶夜

漏上五刻侍史奉天書赴太清宮升殿改服衮冕行朝謁禮畢奉冊寶於玉匱纏以金繩封以金泥

獻藉田賦

增玉海唐太宗貞觀二年正月二十一日親祭先農藉於千畝之甸秘書郎岑文本獻藉

田賦

御樓覆試

增玉海苗晉卿知選事天寶二載判八等者凡六十四人分甲乙丙三科張奭第一中丞

子也正月二十一日帝御

花萼樓覆實中裁十一二

蘇軾正月二十一日城外尋春詩

增卧聽使君鳴鼓角試呼穉子整冠巾曲

欄幽榭終寒窘一看郊原浩蕩春

二十二日

賜繡袍

增唐會要天授二年正月二十二日內出繡袍賜新除都督刺史其袍繡山形繞山勒回文銘

曰德政推明職令思平清慎忠勤榮進躬親

團風夢

增楚通志正月二十二日東坡將往岐亭宿於團風夢一僧破面流血若有所訴至岐亭過一

廟中有阿羅漢像左龍右虎儀制甚古而面為人所壞顧之惘然宛如夢中所見遂載以歸完新而龕之設於安國寺

二十三日

長年樂

增舊唐書音樂志延載元年正月二十三日製越古長年樂一曲

改時令

增唐會要天寶五載正月二十三日詔曰亮命四子所受唯時周分六官曾不繫月其禮記月

令宜改

為時令

封海鎮

原唐會要天寶十載正月二十三日明皇封東鎮沂山為東安公南鎮會稽山為永興公西鎮

吳山為成德公中鎮霍山為應聖公北鎮醫巫閭山為廣寧公封東海為廣德公南海為廣利公西海為廣潤公北海為

廣澤公

觀酺

增玉海祥符七年正月二十三日御奉元均慶樓觀酺從官與坐宴父老於樓下設山車百戲聽民

縱觀

弔農器

增歲華紀麗譜二十三日聖壽寺前蠶市張公詠始即寺為會使民弔農器太守先詣寺之都



安王祠奠獻  
然後就宴

潞王小字

增天中記後唐潞王小字二十三益正月二十三日生也人臣奏對但云兩旬三日或數

物則云二十二更過二十四不敢斥尊也

張子平飛昇

原集仙錄嗣天師張衡字子平與妻盧氏漢靈帝光和二年正月二十三日於陽平

山白日

飛昇

二十四日

請五經

增玉海開元十九年正月二十四日吐蕃請五經明皇賜以毛詩禮記左傳文選于休烈上言

不可裴光庭曰西域請詩書庶使潛陶聲教上曰善乃與之

楊萬里正月二十四日夜朱師古招飲看燈詩

增光射琉璃貫

水精玉虹垂地照天明風流誰似朱公子解放元宵過後燈

二十五日

行幸建碑

增唐會要開元十一年正月二十五日至并州張說曰太原國家大業所起宜因行幸建

碑紀

德

製御耒耜

增玉海明道二年正月二十五日大禮使以製成御耒耜青箱等奏御

薦頭鵞

增金史世宗紀大定四年正月廿五日辛亥獲頭鵞遣使薦山陵自是歲以為常

填倉

增北京歲華記二十五日人家市牛羊豕肉恣餐竟日客至苦畱必盡飽而去名曰填倉

楊萬里辛丑正月二十五日遊蒲澗晚歸詩

增桃李深  
酣日池塘

淺試春霽暉搖遠  
水新煖軟遊人

二十六日

兩制定第

增王海天聖七年置書判拔萃科試判十道  
八年正月二十六日余靖等二十四人分三

甲詔兩制

重定其第

鎮圭奉聖

增王海紹興十四年正月二十六日內出鎮  
圭以奉文宣王初有司欲用珉上曰崇奉先

聖豈可用假玉詔

以真玉圭降出

叩門觀花

增蘇軾詩序正月二十六日偶與數客野步  
嘉祐僧舍東南野人家雜花盛開叩門求觀

主人林氏媼出應白髮青裙少寡獨居三十年矣感歎之餘作詩記之

陸游開歲屢作雨不成正月二十六日夜得雨詩

增東風吹

雨破天慳行圃歸來剗解顏百草吹香蝴蝶閑一溪漲綠鷺鷥閑

二十七日

雲鶴翔集

增仙傳拾遺吐蕃以寶函進唐明皇曰請陛下自開勿令他人知此機密上問葉法善法

善請令蕃使自開上從之蕃使果中函弩死因授法善銀青光祿大夫法善請松陽宅為觀賜號淳和御製碑額以榮鄉里正月二十七日有雲鶴百行翔集瑞雲五色覆其居

異僧寄宿

增高僧傳釋道安常山人形甚陋寓襄陽宣法寺注經乃誓曰若所注不遠願見瑞相夜

夢賓頭盧曰君所注殊合理至秦建元正月二十七日有異僧形亦甚陋來寺寄宿講堂直殿者夜見異僧從窓出入安起禮之問可度脫否云至某月日方可度耳卒如其言

## 二十八日

河朔誓師

增書惟戊午王次于河朔羣后以師畢會王乃徇師而誓蔡傳以武成考之是一月二十

日

發洛陽宮

增漢官儀建武三十二年東巡狩正月二十八日發洛陽宮

築金城

增唐會要天寶二年正月二十日築神都羅城號曰金城

迎春苑習射

增玉海太平興國三年正月二十八日癸丑幸迎春苑習射帝中的者九

觀書開宴

增王海祥符三年正月二十八日召近臣觀龍圖閣太宗御書及四部書籍又至閣西觀

畫賜酒閣下上作觀書開

宴五言詩令即席皆賦

天尊像記

增玉海祥符三年正月二十八日至資政殿觀天尊像記先是泰山有石像在巖崖間頗

多剋缺帝登封見之因別命修琢易舊像置內廷聖製泰山重修聖像記

無逸寫屏

增玉海景祐二年正月二十八日置邇英延義二閣寫尚書無逸篇於屏是日仁宗御延

義閣召輔

臣觀之

立考試格

增宋會要紹聖二年正月二十八日再立考試格章表露布檄書以上用四六頌箴誠諭

序記以上依古今體亦許用四六竝限三百字以上歲銘限一百字以上

保壽侯誕

增歲華紀麗譜二十八日俗傳為保壽侯誕日出竿橋門即侯祠奠拜次詣淨衆寺邠國

杜丞相祠奠拜畢事會食晚宴大智院宋祁詩雅俗傳祠日年華重宴辰

二十九日

享先農

增唐會要永徽三年正月二十九日丁亥親享先農躬耕耒耜率公卿耕於千畝之田

廣仁池

增唐會要天寶六載正月二十九日詔今陽和布氣蠢物懷生在於含養必期遂性其滎陽僕

射陂陳畱蓬池宜斷採捕仍改名廣仁池

幸澹水

原唐詩紀事景龍四年正月二十九日晦幸澹水增宗楚客中宗幸澹水應制詩御輦出明光

乘流泛羽觴珠胎隨月減玉漏與年長寒盡梅猶白風遲柳未黃日斜旌騎轉休氣滿林塘

窮九

原天中記池陽風俗以正月二十九日為窮九掃除屋室塵穢投之水中謂之送窮

三十日

作春酒

增齊民要術作春酒法治麴欲淨剉麴欲細曝

麴殺米七斗

用水四斗

種冬瓜

原齊民要術傍牆陰地作區圓二尺深五寸以熟糞及土相和正月晦日種既生以柴木倚牆

令其緣上

旱則澆之

度厄

原玉燭寶典元日至月晦人竝為酺食士女悉湔裳酹酒於水湄以為度厄增張說晦日詩晦日嫌

春淺江浦看湔衣嚴維晦日宴  
遊詩晦日湔裙俗春樓置酒時



汎舟

增隋書禮儀志正晦汎舟則皇帝乘輿鼓吹至行殿升御座乘版輿以與王公登舟置酒非預泛者

坐於便幕後魏盧元明晦日汎舟應詔詩輕灰吹上管

落糝飄下蒂遲遲春色華晚晚年光麗北齊魏收晦日

汎舟應詔詩裊裊春枝弱關關新鳥呼棹唱忽逶迤菱

歌時顧慕睿賞芳月色宴言忘日暮遊豫慰人心照臨

康國

步

膏糜

增六典膳部節日食料有晦日膏糜

社用酒脯

增唐會要開元十九年正月三十日詔州縣社惟用酒脯

除貧

原四時寶鏡高陽氏子好衣敝食糜正月晦巷死世作糜棄破衣是日祀於巷曰除貧

綵樓選詩

原唐詩紀事宗正月晦日幸昆明池賦詩羣臣應制百餘篇帳殿前結綵樓命上官昭

容選一首為新翻御製曲從臣悉集其下須臾紙落如  
飛各認其名而懷之惟沈宋二詩不下又移時一紙飛  
墜乃沈詩也及聞其評云沈詩落句云微臣彫朽質羞  
覩豫章材詞氣已竭宋詩云不愁明月盡自有夜珠來  
猶涉健舉沈乃伏不敢爭增宋之問詩春豫靈池近滄  
波帳殿開舟凌石鯨渡查拂斗牛迴節晦冥全落春遲  
柳暗催象溟看浴景燒劫辨沉灰在鎬周文  
樂橫汾漢武才不愁明月盡自有夜珠來

# 宴林亭

增唐詩紀事高正臣廣平人官至衛尉卿習右  
軍書法睿宗最愛其筆晦日宴高氏林亭凡二

十一人皆以華字為韻高正臣晦日置酒林亭詩正月  
符嘉節三春玩物華忘懷寄樽酒陶性狎山家柳翠含  
烟葉梅芳帶雪花光陰  
不相借遲遲落景斜

# 送窮

原韓愈送窮文正月乙丑晦主人使奴星結柳作  
車縛草為船載糗與糧三揖窮鬼而告之增姚合

晦日送窮詩年年到此日漚酒拜  
街中萬戶千門看無人不送窮

服井華水

原時令萃覽正月晦日汲井華水服令人鬚鬚不白

遊桓山

增蘇軾遊桓山記元豐二年正月己亥晦春服既成從二三子遊於泗之上登桓山入石室使

道士戴日祥鼓雷氏之琴操履霜之遺音曰噫嘻悲夫此宋司馬桓魋之墓也

唐太宗月晦詩

增晦魄移中律凝暄起麗城罩雲朝蓋上穿露曉珠呈笑樹花分色啼枝鳥合

聲披襟還眺望極目暢春情

孫逖晦日湖塘詩

增吉日初成晦方塘遍是春落花迎二月芳樹歷三旬公子能畱客巫陽

好解神夜還何慮暗秉燭向城闌

岑參晦日陪侍御泛北池詩

增春池滿復寬晦節耐邀歡月帶蝦蟇冷霜隨獬豸

寒水雲低錦席岸柳拂金盤日暮舟中散都人夾道看

劉長卿晦日陪辛大夫宴南亭詩

增月晦逢休澣年光逐宴移早鶯留客醉

春日為人遲萋草全無葉梅花遍壓枝政閒風景好莫比峴山時

王建宮詞

增殿前來日中和節連夜瓊林散舞衣傳報所司分蠟燭監開金鎖放人歸

政典

輯瑞

增書輯五瑞既月乃日觀四岳羣牧班瑞於羣后傳舜飲公侯伯子男之瑞圭璧盡以正月中乃日

日見四岳及九州牧監還五瑞於諸侯與之正始

木鐸

原書每歲孟春適人以木鐸徇於路傳道人宣令

歲帥治官之屬而觀治象之法狗以木鐸曰不用法者

國有常刑注正歲謂夏之正月得四時之正以出教令

者審也漢書食貨志孟春之月羣居者將散行人振木

鐸徇於路以采詩獻之太師比其音律以聞於天子王

起振木鐸賦國家敷文教布時令爰振鐸於九衢

將采詩於萬姓事且彰於歲首禮無虧於春孟

青陽左个

原禮天子居青陽左个注  
青陽左个大寢東堂北偏

耕藉

原禮乃擇元辰天子親載耒耜措之於參保介之  
御間帥三公九卿諸侯大夫躬耕帝藉天子三推

三公五推諸侯九推注元辰郊後吉辰也增詩小序載

芟春藉田而祈社稷也原史記文帝紀二年正月上曰

農天下之本其開藉田朕親率耕以給宗廟粢盛增潘

岳藉田賦伊晉之四年正月皇帝親率羣后藉於千畝

之甸禮也宋親耕藉田樂章勤勞稼穡必躬必親為藉  
千畝以教導民帝出於震時惟上春天願有喜望之如  
雲

祈穀

原禮是月也天子乃以元日祈穀於上帝集說元  
日辛日也郊祭天而配以后稷為祈穀也增詩說

噫嘻康王孟春祈穀於東郊以成王配享之詩也唐六

典正月上辛祈穀於圜丘以高祖配宋史禮志景德三

年十二月陳彭年言來年正月三日上辛祈穀至十日

始立春按月令春秋傳當在建寅之月迎春之後後齊

永明元年立春前郊議者欲遷日王儉啓云宋景平元

年元嘉六年竝立春前郊遂不遷日然則左氏所記啓

蟄而郊乃三代彝章王儉所啓郊在春前乃後世變禮

望常以正月立春之後行上辛祈穀之禮從之梁簡文

帝詩禮經間往說觀寶著豐

篇豈如春輅動祈穀重民天

原禮命相布德和令行慶施惠  
下及兆民慶賜遂行毋有不當

原禮王命布農事命田舍東郊皆修封疆審端  
徑術善相丘陵阪險原隰土地所宜五穀所殖

既飭先定準直農乃不惑

原禮反執爵於太寢三公九卿諸侯大夫皆御命曰勞酒注既耕而宴飲以勞羣臣也增梁武帝耕

藉田詔預耕之司尅日勞酒唐書禮樂志孟

春享先農明日班勞酒於太極殿如元會

原禮是月也命樂正入學習舞注為仲春將釋菜周禮春官大司樂以樂舞教國子舞雲

門大卷大咸大磬大夏大濩大武樂師掌國學之政以

教國子小舞凡舞有帔舞有羽舞有皇舞有旄舞有干

舞有人舞大胥以六樂之會正舞位以序出入舞者小

胥巡舞列而撻其怠慢者旄人掌敎舞散樂舞夷樂籥

師掌教國子舞羽  
敔籥司干掌舞器

修祭典

原禮乃修祭典命祀山林川澤  
犧牲毋用牝注為傷妊生之類

禁令

原禮禁止伐木注盛德所在又毋覆巢毋殺孩蟲  
胎天飛鳥毋麇毋卵注為傷萌幼之類又毋聚大

衆毋置城郭注為妨農之始又掩  
骼埋胔注骨枯曰骼肉腐曰胔

正歲縣象

原周禮天官冢宰正月之吉始和布治於邦  
國都鄙乃縣治象之法於象魏使萬民觀治

象挾日而歛之注正月周之正月吉謂朔日太宰以正  
月朔日布王治之事於天下至正歲又書而縣於象魏  
使萬民觀焉象魏闕也從甲至甲謂之挾日凡十日增  
入地官司徒縣教象之法於象魏又夏官司馬縣政象  
之法於象魏又秋官司  
冠縣刑象之法於象魏



憲禁令

增周禮天官內宰正歲憲禁令於王之北宮而糾其守䟽正歲是建寅之月憲禁令於王之北

宮者以歲始表縣禁令於王之北宮北宮則后宮而糾其守者謂宿衛之子弟糾其惰慢者也

獻種禋

增周禮天官內宰上春詔王后帥六宮之人而生種禋之種而獻之於王䟽上春者亦謂正歲

以其春事將興故云上春也隋書禮儀志北齊每歲正月上辛後吉亥祠先農祭訖司農進種禋之種六宮主之又藉田令以青箱奉種禋

種跪呈司農詣耕所灑之

饗龜

原周禮春官龜人上春饗龜祭祀先卜增王起寅月饗龜賦國家謹時以授人敬卜以事神每殺牲

以獻歲用饗

龜於孟春

饗寶器

原周禮春官天府上春饗寶鎮及寶器

令教官

增周禮地官大司徒正歲令於教官曰各共爾職修乃事以聽王命其有不正則國有常刑疏

正歲令於教官者以其歲始當除舊布新也

稽鄉器

增周禮地官鄉師正歲稽其鄉器疏鄉師各自考校當鄉之器

考法

增周禮地官鄉大夫正歲令羣吏考法於司徒以退各憲之於其所治之國疏各憲之於其所治憲

者表縣之也

安宅

增周禮春官眠祿掌安宅叙降正歲則行事疏民心欲得除惡樹善占夢之官以季冬贈去惡夢至

此歲之正月行是安宅之事順民心也

觀新物

增周禮夏官訓方氏掌道四方之政事與其上下之志誦四方之傳道正歲則布而訓四方而

觀新物

焚牧

原周禮夏官牧師孟春焚牧疏孟春謂夏之孟春建寅之月草物將出之時燒焚牧地除陳草生新

草也

布憲

增周禮秋官布憲掌憲邦之刑禁正月之吉執旌節以宣布於四方而憲邦之刑禁以詰四方邦國

及其都鄙達於四海注司寇正月布刑於天下正歲又縣其書於象魏布憲於司寇布刑則以旌節出宣令之於司寇縣書則亦縣之於門閭及都鄙邦國刑者王政所重故屢丁寧焉

啓蟄而郊

增左傳夫郊祀后稷以祈農事也是故啓蟄而郊郊而後耕注啓蟄建寅之月今雨水節

也宋祀青帝樂章條風斯應候  
歷維新陽和啓蟄品物皆春

終千畝

增國語農正陳藉禮太史贊王王敬從之王耕一墾班三之庶人終於千畝舊唐書肅宗紀乾

元二年正月戊寅有事於藉田上行九推禮官奏太過曰朕勸農率下恨不終千畝耳禮畢雪盈尺

鄉長復事

原管子正月之朝鄉長復事公親問焉注復白也增張嗣初鄉老獻賢能書賦時乃正月

初吉鄉老旁戾奉簡牘之

詞詣闕傾葵藿之心獻歲

五屬大夫復事

增管子正月之朝五屬大夫每歲報政於君公注五鄙五屬大夫

校官

增管子孟春之朝君自聽朝論爵賞校官終五日

服公田

增管子正月令農始作服於公田農耕及雪釋耕始焉芸卒焉夏小正初服於公田傳古言先

服公田而後服其田也王海至道元年春正月丙辰度支判官陳堯叟梁鼎上言陳許鄧潁蔡宿亳壽自漢魏

晉唐以來用水利墾田陳迹具在可開公田發江  
淮州軍散卒給官錢市牛及耕具上覽奏嘉之

農發土

增呂氏春秋太族之月陽氣始生  
草木繁動令農發土無或失時

太初厯歲首

原史記武帝紀漢改厯以正月為歲首而  
色尚黃官名更印章以五字因為太初元

年通鑑造太初厯注太中大夫公孫卿壺遂太史令司  
馬遷等言厯紀壞廢宜改正朔兒寬議以為宜用夏正  
乃詔卿等造漢太初厯以正

月為歲首色尚黃數用五

祠甘泉

增史記樂書漢家常以正月上辛祠太一甘泉  
以昏時夜祠到明而終常有流星經於祠壇上

舉孝弟力田

增漢書惠帝紀四年春正月  
舉民孝弟力田者復其身

郊泰時

增漢書武帝紀天漢元年春正月行幸甘泉郊  
泰時又成帝紀永始四年正月行幸甘泉郊泰

時神光降集紫殿又郊祀志宣帝十三年正月行幸甘泉郊見泰畤數見美祥修武帝故事盛車服敬齋祀之禮頗作詩歌

嵩呼萬歲

增漢書武帝紀元封元年春正月行幸緱氏詔曰親登嵩高御史乘屬在廟旁吏卒咸聞

呼萬歲者三登禮罔不答其加增太室祠

常平倉

增漢書宣帝紀五鳳四年春正月大司農中丞耿壽昌奏設常平倉以給北邊省轉漕賜爵闕

內侯

勸農桑

增漢書成帝紀陽朔四年春正月詔曰洪範八政以食為首方東作時其令二千石勉勸農桑

出入阡陌致勞來之後漢書章帝紀建初元年春正月丙寅詔曰方春東作宜及時務二千石勉勸農桑弘致

勞來羣公庶尹各  
推精誠專急人事

祫祭明堂

增漢書平帝紀元始五年春正月祫祭明堂  
諸侯王二十八人列侯百二十人宗室子九

百餘人徵助祭禮畢皆益戶賜爵及金帛增秩補吏各  
有差後漢書明帝紀永平二年正月辛未宗祀光武皇  
帝於明堂及公卿列侯始服冠冕衣裳玉佩鉤屨以行  
事班固明堂詩於昭明堂明堂孔陽聖皇宗祀穆穆皇  
皇上帝宴饗五位時序誰其配之世祖光武  
普天率土各以其職猗歟緝熙允懷多福

得玉寶

增漢書郊祀志上自幸河東之明年正月鳳凰  
集殺禰於所集處得玉寶起步壽宮玉海嘉定

十五年正月庚戌御大慶殿設黃麾  
半伏受玉寶奉安天章閣己未大赦

祀南郊

增漢書郊祀志孟春正月上辛若丁天子親合  
祀天地於南郊以高帝高后配宋史禮志淳化

四年正月以南郊禮成大宴含光殿玉海天禧元年正月十一日辛亥祭天地於南郊壬子帝作恭謝南郊七言詩近臣咸和又至道二年正月庚戌上出次南郊齋宮詔有司畫南郊圖三幅外幅列儀衛中幅車輅及導駕官人物皆長寸餘又圖畫圜壇祭器樂駕警場青城別為圖以紀一時之盛顏延之南郊歌維聖饗帝維孝饗親皇乎備矣有事上春禮行宗祀敬達郊禋告成大報受釐元神

饗食萬方

增漢書匡衡傳成帝即位衡上疏曰諸侯正月朝覲天子觀以禮樂饗醴乃歸今正月初幸路

寢臨朝賀置酒以饗萬方願陛下留神動靜之節使羣下得望盛德休光以立基楨天下幸甚

官司空

原淮南子正月官司司空注司空主土春土受稼穡故官司司空也

朝日

增尚書大傳以正月朝迎日於東郊所以為萬物先而尊事天也晉書禮志黃初二年正月乙亥祀



朝日於東郊之外隋書禮儀志魏文以正月朝日前史以為非時金史禮志天會四年正月始朝日於乾元殿天眷二年定朔望朝日儀帝南向拜大定十五年有司上言宜遵古制東向拜十八年帝拜日於仁政殿始行東向之禮

### 祭感生帝

增詩小序長發大禘也箋經稱帝立于生商謂感生之帝疏謂殷王高宗之時以正歲之

正月祭其所感之帝於南郊歌此詩焉唐書禮樂志王仲立議曰天之五帝迭王王者之興必感其一因別祭尊之故夏正之月祭其所生之帝於南郊以其祖配之周祭靈威仰以后稷配因以祈穀

### 論吏

增大戴禮古者天子孟春論吏德行能理功能德

有能成德法者為有功故論吏而法行事治而功成

祭耒

原夏小正農緯厥耒初歲祭耒始用暢傳緯束也暢也者終歲之用祭也

立北郊

增後漢書光武帝紀中元二年春正月初立北郊祀后土又祭祀志北郊在雒陽城北四里為

方壇四陛正月辛未別祀地祇高皇后配地理羣神從

食皆在壇下傳昭恭職北郊詩端職恭座祀飭躬奉嚴

蠲淑氣符首節

光風臨上年

朝原陵

增後漢書明帝紀永平元年正月帝率公卿以下朝於原陵如元會儀人禮儀志上陵之儀百

官四姓親家婦女公主諸王大夫外國朝者侍子郡國

計吏會陵禮樂闋君臣受賜食畢郡國上計吏以次前

當神軒占其郡穀價民所疾苦欲神知

其動靜孝子事親盡禮敬愛之心也

登靈臺

增後漢書明帝紀永平二年正月宗祀明堂禮畢登靈臺望元氣吹時律觀物變羣僚藩輔宗

室子孫衆郡奉計百蠻貢職亦皆陪位又章帝紀建初三年春正月巳酉宗祀明堂禮畢登靈臺望雲物大赦天下班固靈臺詩乃經靈臺既崇帝勤時登爰考休徵三光宣精五行布序習習祥風祁祁甘雨百穀泰秦庶卉蕃廡屢惟豐年於皇樂胥

順時氣

增後漢書明帝紀永平三年正月癸巳詔曰夫春者歲之始也始得其正則三時有成有司其

勉順時氣勸督農桑祥刑謹罰

明察單辭夙夜匪懈以稱朕意

覈受廩

增後漢書章帝紀建初元年春正月詔三州郡國方春東作恐人稍受廩往來煩劇或妨耕農

其各實覈尤貧者

計所貸竝與之

胎養穀

增後漢書章帝紀元和二年春正月乙酉詔曰令云人有產子者復勿筭三歲今諸懷妊者賜

胎養穀人三斛復其夫  
勿筭一歲著以為令

加元服

增後漢書和帝紀永元三年春正月甲子皇帝

宗室子孫在京師奉朝請者黃金將大夫郎吏從官帛  
賜民爵及粟帛各有差大酺五日入禮儀志正月甲子  
若丙子為吉日可加元服宋書禮  
志後漢以來帝加元服咸以正月

覽書林

增後漢書和帝紀永元十三年正月丁丑帝幸  
東觀覽書林閱篇籍博選術藝之士以充其官

夕牲

增後漢書禮儀志正月天郊夕牲晝漏未盡十八  
刻初納夜漏未盡八刻初納進孰獻太祝送旋皆

就燎位宰祝舉火燔柴火然  
天子再拜興有司告事畢也

五供

原後漢書禮儀志正月上丁祀南郊禮  
畢次北郊明堂高廟世祖廟謂之五供

祠先農

增後漢書禮儀志正月始耕執事告祠先農已享就耕位天子三公九卿諸侯百官以次耕力

田種各耰訖有司告事畢漢舊儀春始東耕於藉田祠

先農以一牢隋書禮志北齊藉於帝城東南千畝每歲

正月上辛後吉亥使公卿以太牢祀先農神農氏於壇

上祭訖親耕又隋制於國南十四里啓夏門外置田千

畝為壇孟春吉亥祭先農於其上以後稷配牲用一太

牢唐貞觀享先農樂章粒食伊始農之所先古今攸賴

是曰人天耕斯帝藉播厥公田式崇明祀神其福焉宋

享先農樂章先農播種九穀務滋靈壇致享良耜陳儀

吉日維亥運屬純熙

樂之作矣神其格思

立郊兆

增後漢書祭祀志建武二年正月初制郊兆於雒陽城南七里依鄩采元始中故事為圓壇八

陛中又為重壇天地位其上皆南鄉西上其外

壇上為五帝位其外為壝重營皆紫以象紫宮

立親廟

增後漢書祭祀志建武三年正月立親廟雒陽祀父南頓君以上至春陵節侯

祀五帝

增後漢書祭祀志永平二年正月辛未初祀五帝於明堂光武帝配通典禘祖所自出注王者

先祖皆感太微五帝之精以生其神名鄭康成據春秋緯說蒼則靈威仰赤則赤熒怒黃則含樞紐白則白招

拒黑則叶光紀皆用王歲

正月郊祭之蓋特尊焉

助元氣

增後漢書郎顗傳正月者歲之始也王者則天之象因時之序宜開發德號爵賢命士流寬大

之澤垂仁厚之德順

助元氣含養庶類

郊祀用夏正

增白虎通五帝三王祭天一用夏正何天地交萬物通始終之正故易乾鑿度云三

王郊祀用夏正也晉書禮志康帝建元元年正月將北郊太常顧和表漢咸和中議別立北郊同用正月魏承

後漢正月祭天以地配時高堂隆等以為禮祭天不以地配而稱周禮三王之郊一用夏正於是從和議是月辛未南郊辛巳北郊帝皆親奉

木正

增三禮義宗五行之官木正曰勾芒者物始生皆勾屈而芒角因用為官名也

省風俗

增晉書武帝紀泰始二年春正月遣兼侍中侯史光等持節四方循省風俗除襍祀之不在祀

典者

盡地利

增晉書武帝紀泰始五年春正月癸巳申戒郡國計吏守相令長務盡地利禁游食商販

中宮蠶

增晉書禮志魏文帝黃初七年正月命中宮蠶於北郊依周典也

給田種

增宋書文帝紀元嘉二十九年正月甲午詔曰今農事行興務盡地利若須田種隨宜給之

大閱

增宋書武帝紀大明七年正月癸未詔曰春蒐之禮著自周令講事之語書於魯史今歲稔氣榮中外寧宴當因農隙葺是舊章可尅日於元武湖大閱水師竝巡江右講武校獵舊唐書肅宗紀乾元元年正月庚寅大閱諸軍於含光殿庭上御樓鸞閣觀之

白繒蓼王

增宋書禮志高陽氏以十一月為正蓼王以赤繒高辛氏以十三月為正

香風神光

增梁書武帝紀中大通五年春正月辛卯輿駕祠南郊先是一日東南南郊令解滌之等至

郊所履行忽聞空中有異香三隨風至及將行事奏樂迎神畢有神光滿壇上

贍給老稚

增梁書武帝紀普通二年正月親祀南郊詔曰春司御氣虔恭報祀陶匏克誠蒼壁禮備

思隨乾覆布茲亭育凡民有單老孤稚不能自存主者郡縣咸加收養贍給衣食



立祖神

增魏書禮志立祖神常以正月上未設藉於端門內祭牲用羊豕犬各一

大射

增隋書文帝紀開皇十九年正月戊寅大射武德殿宴賜百官

五條詔書

增隋書禮儀志後齊正日班五條詔書於諸州郡國一曰政在正身在愛人去殘賊擇良

吏正決獄平徭賦二曰勸率田桑無或煩擾三曰六極之人務加寬養四曰長吏華浮奉客以求小譽宜謹察之五曰人事意氣干亂奉公外內涵清網紀不設所宜糾劾

陳土宜

增隋書禮儀志正會日侍中黃門郎宣詔勞諸郡上計勞訖付紙遣陳土宜字有脫誤者呼起

席後立書跡濫劣者令飲墨水一升文理孟浪無可取者奪容刀及席

祀風師

原隋書禮儀志隋制於國城東北七里通化門外為風師壇祀以立春後午增金史禮志明昌

五年為壇於景風門外東南歲以立春後丑日祀風師  
元史祭祀志立春後丑日祭風師於東北郊儲光義祭  
風伯壇詩聖主御青春綸言命  
使臣將修風伯祀更福太平人

造新茶

增舊唐書文宗紀故事吳蜀貢新茶皆於冬中  
作法為之上務恭儉不欲逆其物性詔所供新

茶宜於立

春後造

讀春令

增舊唐書禮儀志貞觀十四年春正月庚子命  
有司讀春令詔百官之長升太極殿列坐而聽

之

鄉貢就監

增舊唐書禮儀志開元二十六年正月勅諸  
州鄉貢見訖令引就國子監謁先師學官為

之開講質問疑

義有司設食

獵昆明池

增唐書太宗紀貞觀五年正月癸酉獵於昆明池丙子至自昆明池獻獲於大安宮

侍老授爵

原唐書明皇紀開元二十三年正月乙亥耕藉田大赦侍老百歲以上版授上州刺史九

十以上版授中州刺史八

十以上版授上州司馬

耕東郊

增唐書禮樂志太宗將親耕給事中孔穎達議曰禮天子藉田南郊諸侯東郊今帝社乃東壇

未合於古太宗曰書稱平秩東作而青輅黛耜順春氣也五方位少陽田宜於東郊乃耕於東郊玉海端拱元

年正月丙子賦東郊藉田五七言詩各一

首賜侍臣羣臣獻詩賦贊頌者五十三人

封祀壇

增唐書禮樂志高宗乾封元年封泰山是歲正月天子祀昊天上帝於山下之封祀壇親封玉

冊置石礧聚

五色土封之

設壽尊

增唐書禮樂志元正朝賀設壽尊於殿上東序之端西向設站於尊南加爵一上公詣酒尊所

北面尚食酌酒一爵授上公上公受爵授殿中監殿中監受爵置御座前上公北面再拜上千萬歲壽侍中承制稱敬舉公等之觴

祠太社

增唐會要武德九年正月親祠太社丙子詔曰吉日惟戊親祠太社率從百僚以祈五穀原蔡

邕祝社文元正令午時惟嘉良乾坤交泰太簇運陽乃祀社靈以祈福祥增稽含社賦序社之在於世尚矣自天子至於庶人莫不咸用有漢卜日丙午魏氏釋用丁未至於大晉則社孟月之酉日各因其行運三代固有不同潘尼社詩太簇叶青陽履端發歲首孟月涉初旬吉日惟上酉我后邇天休設社祈黃耆

朝集使第

增唐會要貞觀十五年正月上謂侍臣曰古者諸侯入朝有湯沐邑芻禾百車待以客禮

詔令就京城為諸州朝集使造邸第三百餘所上親觀幸焉

### 宰臣備問

增唐會要長慶元年正月饗太廟禮畢復齋於郊壇行宮出朱雀門命宰臣行馳道中以

備顧問

### 香案奏事

增唐會要開成元年正月勅每入閤日次對官待宰相奏事退令至香案前各奏事

### 杏園宴

增唐會要大中元年正月勅進士放榜後杏園依舊宴集樂史撰杏園集十卷

### 上和香

增通典梁武帝正月上辛祀后土於壇上禮以黃琮用上和香按隋書禮儀志天監四年何佟

之等議地於人親宜加禱額

### 皇天座

增通典梁武帝即位南郊為壇在國之南常與北郊間歲正月皇帝致齋於萬壽殿上辛行事

用特牛一祀天皇大帝  
於壇上攢題曰皇天座

閱貢物

增輦下歲時記正月戶部奏大閱天下貢物於都堂其日放朝宰相與百官皆赴戶部宴會一

時特盛玉海唐元和十二年淮西申光蔡等州貢物戶部奏以元日陳於樂垂之南用示中外

勸耕作

增宋史太祖紀乾德二年正月辛巳諭郡國長吏勸農耕作玉海乾德二年正月詔土膏將起

宜課東作之勤使地

無遺利歲有餘糧

頒踏犁式

增宋史真宗紀景德二年正月戊寅取淮楚間踏犁式頒之河朔玉海淮楚間民用踏犁

凡四五人力  
可比牛一具

諸儒從祀

增宋史理宗紀端平二年正月甲寅詔議胡瑗孫明復邵雍歐陽修周敦頤司馬光蘇軾

張載程顥程頤等十人從祀孔子廟庭

朱子從祀

增宋史理宗紀淳祐元年正月甲辰詔朱熹精思明辨表裏渾融使大學論孟中庸之書

本末洞徹令學官列諸從祀

酺宴

增宋史禮志大中祥符元年正月詔應致仕官並令赴都亭驛酺宴御樓日合預坐者亦聽通鑑開

元二十三年正月乙亥耕藉田都城酺三日上御五鳳樓酺宴

七德舞

增通鑑貞觀七年正月更名破陳樂曰七德舞癸巳宴三品以上及州牧等於玄武門奏七德

九功舞觀其抑揚蹈厲莫不踴躍震悚

分掌三庫

增太宗實錄太平興國二年正月丙寅命賈黃中程能馮瓚分掌三庫先是貨泉與金帛

通掌至是以帑藏  
充溢始命分之

時政記

增玉海永徽後左右史惟對仗承旨伏下謀議  
不得聞長壽二年正月戊申文昌左丞姚璹以

為帝王謨訓不可缺紀建議伏下後宰相  
一人錄軍國政要為時政記月送史館

覆試賜第

增玉海太平興國二年正月庚午上御講武  
殿覆試禮部合格八科舉人得九經一人開

寶通禮四人三禮八十人三傳五十三人三史三人學  
究四十一人明法十四人凡百九十六人竝賜本科及  
第其九經五經七經不合格  
上憐其老亦賜同三傳出身

置方田

增玉海端拱二年正月詔興置方田命八作使  
竇神興等往北面興功東壁則知定州張永德

西壁則知邢州米信  
各兼方田都總管



上清宮成

增玉海至道元年正月丙辰新作上清宮成御書額以金填其字賜之車駕臨幸謂近臣

曰造此祠宇

為民祈福

戒擾農

增金史太祖紀元輔七年正月甲申詔今農事將興典兵官毋縱軍士動擾人民以廢農業

節酒

增金史世宗紀大定二十年正月命歲以錢五千貫造隨朝百官節酒及水燭藥炭視品秩給之

祀嶽鎮海瀆

增元史祭祀志正月祀東嶽鎮海瀆土王祀泰山於泰安州沂山於益都府界立

春日祀東海於萊州界大淮於唐州界祀官以所在守土官為之

城京師

增輟耕錄至元四年正月城京師以為天下本右擁太行左注滄海撫中原正南面枕居庸奠

朔方峙萬歲山浚太液池派玉泉通金水紫畿帶甸負山引河壯哉帝居擇此天府

# 民用

于耜

增詩三之日于耜傳三之日夏正月也

納水

增詩二之日鑿氷沖沖三之日納於凌陰傳凌陰氷室也

禁煮鹽

增管子孟春農事起無得煮鹽

均田

原夏小正農率均田傳率者循也均田者始除田也言農夫急除田也廣義注古田必均所以修疆

畔分遂畝不相侵越同賴利澤也

陳根可拔

增四民月令正月地氣上騰土長冒櫛陳根可拔急菑強土黑壩之田齊民要術春候地

氣始通櫛櫛木長尺二寸埋尺見其二寸立春後土地散上沒櫛陳根可拔此時二十日以後和氣去即土剛

以此時耕一而當四和氣去耕四不當一王廙春可樂賦春可樂兮樂孟月之初陽冰泮渙以微流土冒橛以解剛野暄卉以揮綠山葱蒨以發蒼

糞疇

增四民月令正月糞疇疇麻田也

作種

增四民月令正月可作種瓜瓠葵芥籩大小葱蒜苜蓿及雜蒜亦種

入學

增四民月令正月農事未起命成童以上入太學五經硯永釋命幼童入小學篇章注篇章謂六甲

九九急就

三倉之屬

趨織布

增四民月令正月命女工趨織布

釀春酒

增四民月令正月命典饋釀春酒

作諸醬

增四民月令正月可作諸醬肉醬清醬

合藥日

增四民月令正月上除若十五日合諸膏小草續命丸散法藥

醇酎

增西京雜記漢以正月旦造酒八月成名曰九醞一名醇酎齊民要術黍米酎以正月作

照井厠

原荆楚歲時記正月未日夜盧荏火照井厠中則百鬼走

曼頭

增東晉賦三陽之初陰陽交際寒氣既除溫不至熱於時宴享曼頭宜設

種桑柘

增齊民要術桑柘熟時收黑魯榘即日以水淘取子曬燥仍畦種常薈令淨明年正月移而栽

之率

五尺一根其下常劬掘種菜豆小豆栽後二年慎

勿採

沐大如臂許正月中移之率十步一樹行欲小猗

角不用

正相當須取栽者正月二月中以鈎弋壓下枝

令耆地

條葉生高數寸仍以燥土壅之明年正月中截

取而種之

歲所宜

增齊民要術欲知歲所宜以布囊盛粟等諸物種平量之埋陰地冬至後五十日發取量之息

最多者歲所宜也

嫁李

原齊民要術嫁李法正月一日或十五日以磚著李樹岐中令實繁又臘月中以杖微打岐間正月

時日復打之亦足子也

種瓜法

增齊民要術種瓜法冬天以瓜子數枚內熟牛糞中凍即拾聚置之陰地正月地釋即耕逐場

布之率方一步下一斗糞耕土覆之肥茂早熟原便民圖纂種茄匏冬瓜葫蘆黃瓜菜瓜正月預先以糞和灰土或盆或桶盛貯候發熱過以子插於灰中常以水洒之日間朝日影夜間收於竈側煖處候生甲時分種於

地肥

粟米酒

增齊民要術粟米酒唯正月得作餘月悉不成用笨麴不用神麴粟米皆得作酒然青穀米最

佳治麴淘米必須細淨以正月一日日未出前取水日出即晒麴至正月十五日擣麴作末即浸之大率麴末一斗堆量之水八斗殺米一石米平量之隨甕大小率以此加以向滿為度隨米多少皆平分為四分從初至熟四炊而已預前經宿浸米令液以正月晦日向暮炊釀正作饋耳不為再餹飯欲熟時預前作泥置甕邊饋熟即舉甕就甕下之速以酒杷就甕中攪作兩三遍即以盆合甕口泥密封勿令漏氣看有裂處更泥封七日一酸皆如初法四酸畢四七二十八日酒熟此酒要須用夜不得白日四度酸者及初押酒時皆迴身暎火勿使燭明及度酒熟便堪飲

燒廁草

增四時纂要正月上寅日取廁前草燒於庭中不著天行

攝生

原孫真人攝生論正月腎炁受病肺藏炁微宜減鹹酸增辛辣味助腎補肺安養胃氣勿冒冰凍勿

太溫暖早起夜卧以緩形神

桑枝湯

增千金月令正月宜服桑枝湯取桑枝如箭幹大者細挫三升熬令微黃以水六升煎三升去

滓重湯煎二升下白蜜三合黃明膠

一兩炙作末煎成以不津器貯之

食粥三方

原千金月令是月宜食粥有三方地黃粥以地黃搗汁候粥半熟下汁更用綿包花椒五

十粒生薑一片同煮粥熟去綿包再下熟羊腎一具碎切成條如韭葉大少加鹽食之補虛防風粥以防風煎

湯煮粥食治四肢風紫蘇粥以紫蘇製淨炒微黃香煎汁漉淨作粥甚良

辟瘟疫

原肘后方正月上寅日取雀瓢草末三合用絳囊盛掛帳中能辟疫雀瓢即女青也

萋蒿

增陸璣詩疏萋蒿好生水邊及澤中正月根芽生旁莖正白生食之香而脆美其葉可蒸為茹

炙新芽

增王氏談錄茶品高而多年者必稍陳遇有茶處春初取新芽輕炙雜而烹之氣味復正

就傳

增鄭氏家範子孫年十二於正月朔出就外傳見燈火不許入中門入者箠之

種葡萄

增癸辛雜識種葡萄法於正月之末取葡萄嫩枝長四五尺者捲為小圈令緊先治地土鬆而

沃之以肥種之止留二節在外異時春氣發動衆萌競吐而土中之節不能條達則盡萃花於出土之二節不

二年成大棚其實大如棗而且多液此亦奇法也

芋蕪

增山居要錄正月種芋蕪先鋤地一遍以新黃土覆在鋤過地上將芋芽向上密排種之用草覆蓋



候發三四葉約四五寸  
高於三月間移栽之

種大葫蘆

增山居要錄正月中掘地作坑方四五尺深如之實填油麻菜豆蘗及爛草等一重糞土

一重草如此四五重向上一尺餘著糞土種十餘顆子待生後揀取四莖肥好者每兩莖相著一處以竹刀子刮去半皮以物纏之以牛糞黃泥封之一如接樹法裏之待相著活後各除一頭又取此兩莖相著如前法治待得活後惟留一莖四莖合為一本待著子揀取兩個周正好大者餘旋除之如此舊是一斗可容一石也若須為器以模盛之隨人所好

梅粥

增山家清供梅落英淨洗用雪水煮候白粥熟同煮楊誠齋詩云纔看臘後得春饒愁見風前作雪

飄脫藥收將熬粥吃  
落英仍好當香燒

胡椒

增本草胡椒蔓生附樹及作棚引之葉如扁豆山藥正月開黃白花結椒累累纏藤而生

種穰麥

增本草穰麥山東河北人正月種之名穰麥形狀與大麥相似

菠薐

增本草菠薐正月種者可備春蔬

繁縷

增本草繁縷即鳶腸下濕地極多正月生苗葉大如指頭細莖引蔓斷之中空有一縷如絲作蔬甘

脆

蒔韭

原本草綱目韭正月分蒔宜肥壤數枝一本則茂而根大

采神桃

增本草綱目神桃是桃實著樹經冬不落者正月采之中實者良

修桑

增便民圖纂正月修桑削去枯枝及低小亂枝條根旁開掘用糞土培壅此月不修理則葉生遲而

薄

履端會

增通考正月邀客飲春酒為履端之會

祀竈

原通考正月己丑日白雞祀竈宜蠶

種靛

增通考種靛正月中以布袋盛子浸之芽出撒地上用灰糞覆蓋待放葉澆水糞長二寸許分栽俟

葉厚方割將葉浸水缸內一晝夜濾淨每缸內用礬灰八兩以木扒打轉澄清去水是謂頭靛二靛三靛法亦如之

黃麻

增通考古云十耕蘿蔔九耕麻地宜肥熟須殘年墾俟凍過則土酥至春鋤成行壟正月半前下種

種子取斑

黑者為上

鹽湯洗濯

原通考正月夜欲卧盪熱鹽湯一盆從膝下洗至足方卧以通泄風毒脚氣勿令壅滯

金櫻子

增農政全書金櫻子取其刺可却姦取其花香味可玩取其子可作藥正月插

五加皮

增農政全書五加皮取其幹可作骨取其刺可却姦取其芽可食取其根皮作藥作酒正月插

糟酒豆醬

增農政全書正月宜收藏無灰臘糟蒸臘酒合小豆醬

種薯

增農政全書山東種薯法沙地深耕起土坑深二尺用糞和土各半填入坑中足踐實正月中畦種

薯苗長又加土壅之

粉糝寒具

增北京歲華記初八九日至十八日人家用粉糝寒具相饋遺徧市鬻之以五花帚為號

棄宿飯

增時鏡新書歲暮留宿飯至新年十二則棄於街衢以為去故取新除貧取富

香茶

增居家必用上春嫩茶芽每五百錢重以菜豆一升去殼蒸焙山藥十兩一處細磨別以腦麝各半

錢重

入盤同研約二千杵罐內密封

審三日後可以烹點愈久香味愈佳

造麪醬酒醋

增居家必用正月丁卯甲辰丙辰丁未巳未乙酉丁酉造麪醬酒醋吉

服蔓菁

原遵生八牋立春後庚子日宜溫蔓菁汁合家竝服不拘多少可除瘟疫

天道南行

原雲笈七籤靈寶曰是月天道南行作事出行俱向南吉

趙孟頫正月耕詩

增田家重元日置酒會隣里小大易新衣相戒未明起老翁年已邁含笑

弄孫子老嫗惠且慈白髮被兩耳杯盤且羅列飲食致

甘旨相呼團團坐聊慰衰暮齒田硯藉人力糞壤要鋤

理新歲不敢閑

農事自茲始

趙孟頫正月織詩

增正月新獻歲最先理農器女工並時興蠶室臨期治初陽力未勝早春

尚寒氣窓戶當與密勿使風雨至田疇耕耨動敢不修耒耜經冬牛力弱相戒勤飯飼萬事非預備倉卒恐不易田家亦良苦舍此復何計

# 物候

蟄蟲始振

原禮蟄蟲始振疏正月中氣之時蟄蟲得陽氣初始振動至二月乃大驚而出對二月故

云始振夏小正正月啓蟄傳言始發蟄也增說文蟄藏也有足謂之蟲謝觀初雷啓蟄賦蟄處於冬雷生自震啓一聲於春候知萬類之奮迅虺虺初動初初始振白居易早春詩東風來幾日蟄動萌草坼盧仝詩間道新年入山裏蟄蟲驚動春風起

魚上冰

原禮魚上冰疏魚當盛寒之時伏於水下逐其溫暖至正月陽氣既上魚遊於水上近於冰夏

小正魚陟負冰傳陟升也負冰云者言解蟄也廣義注魚冬則氣在腴故降春則氣在背故升增王季則魚上冰詩冰消通淺溜氣變躍潛魚吳冕魚上冰詩春水潛鱗發寒潭舊藻疎揚鬣順氣縱振鬣上冰初王公亮魚上冰詩春生寒氣減稍動久潛魚乍喜東風至來看曲岸初出冰朱鬣見望日錦鱗舒漸覺流漸近還欣掉尾餘

獺祭魚

原禮獺祭魚注此時魚肥美獺將食之先以祭也淮南子注獺祭鯉魚於水邊四面陳之謂之

祭魚也增埤雅獺西方白虎之屬似狐而小青黑色膚如伏翼水居食魚

鴻雁來

原禮鴻雁來注雁自南方來將北反其居淮南子注雁從彭蠡來北過周雒至漢中孕卵驚也

夏小正  
雁北鄉

草木萌動

原禮是月也天氣下降地氣上騰天地和同草木萌動

穀始

增管子正月之朝穀始也

葛始生

原呂氏春秋冬至後五旬七日葛始生葛者百草之先生者也於是始耕

樹楊

原淮南子正月其樹楊注爾雅白楊蒲柳也楊木春光故其樹楊也

百草權輿

增大戴禮虞夏之厯正建於孟春於時冰泮發蟄百草權輿

田鼠出

原夏小正田鼠出傳田鼠者噉鼠也增爾雅䟽噉是頰裏藏食之名

雉震响

原夏小正雉震响傳震也者鳴也响也者鼓其翼也正月必雷雷不必聞惟雉為必聞之增魏



文帝樂府  
野雉羣响

園有見韭

原夏小正園有見韭傳園也者園之燕也增  
圖經本草韭一種而久生故謂之韭一歲三

四割其根不傷至冬  
壅培之先春復生

鷹則為鳩

原夏小正鷹則為鳩傳鷹也者其殺之時也  
鳩也者非其殺之時也善變而之仁也故具

言之也則盡其辭也鳩為鷹變  
而之不仁也故不盡其辭也

采芸

原夏小正采芸傳為廟采也廣義注芸蒿葉似邪  
蒿香美可食增梁簡文帝梅花賦年氣歸新搖芸

動  
塵

鞠則見

原夏小正鞠則見傳鞠也者星名也鞠則見  
者歲再見爾廣義注鞠菊通用菊始苗也

柳稊

原夏小正柳稊傳稊也者發孚也

梅杏杔桃則華

原夏小正梅杏杔桃則華傳杔桃山桃也

緹縞

原夏小正緹縞傳緹縞也者莎隨也緹也者其實也先言緹而後言縞何也緹先見者也增廣雅地

毛莎  
隋也

雞桴粥

原夏小正雞桴粥傳粥也者相粥之時也或曰桴嫗伏也粥養也

育時物

增後漢書章帝紀元和二年春正月乙酉詔三公曰方春生養萬物孚甲宜助萌陽以育時物

移樹

原四民月令正月自朔暨晦可移諸樹竹漆桐梓松栢雜木唯有果實者及望而止過十五日則果

少實

去枯葉

增四民月令正月上辛日掃去韭畦中枯葉齊民要術接苜蓿法正月燒去枯葉

栽種

原四民月令正月可種瓠蓼脾豆菹芋農政全書正月二日宜種松桑榆柳棗葱葵韭麻胡桃榛子

松子杏子椒牛蒡子菠菜竹十日宜種木棉花苦蕒

山藥冬瓜凡雨後宜種黃瓜萵苣生菜四月芥薹芋

散榆莢

增齊民要術耕地作壟散榆莢榆生共草俱長未須料理明年正月附地芟殺放火燒之亦任

生長勿使長近又至明年正月剷去惡者其一株止有七八根生者悉皆砍去唯留一根麤直好者

接牡丹

增種樹書立春若是子日即於茹根上接牡丹花不出一月即爛熳

接花

增洛陽花木記立春前後接諸般針刺花雨水後木筆上接木蘭辛夷玉拂子上接玉蝴蝶瓊仙八

仙花楂子上接榲桲野薔薇上接千葉黃薔薇竝諸般刺花榲桲上接榧楂

白鶴花

增桂海花志白鶴花如白鶴立春開

上元紅

增桂海花志上元紅深紅色絕似紅木瓜花不結實以燈夕前後開故名

迎春

增草花譜迎春春首開花故名於放花時移栽土肥則茂燁牲水灌之則花蕃

養牡丹法

增牡丹八書正月下旬根下有抽白芽者即令削去花必巨麗謂之打剝根下宿草亦時

芸之勿令蕪茂分奪地力

苦菜

原本草綱目苦菜即苦蕒也春初生苗有赤莖白莖二種

盧都子

增本草綱目盧都子樹高六七尺其葉微似棠梨春前生花孕如丁香蒂極細倒垂正月乃敷

白  
花

蜜母

增本草綱目靈雀者小鳥也一名蜜母黑色正月至巖石間尋求安處羣蜂隨之也南方有之

白英

增本草綱目白英俗名排風子正月生苗白色可食

駢樹

原便民圖纂正月諸色果木樹芽未生之時於根旁掘土寬深將根截去留四邊亂根勿動用土覆

蓋築令堅實則結果肥

大勝插接者謂之駢樹

種柳

原便民圖纂正月取弱柳枝大如臂長一尺半燒下頭二三寸埋之用杵打實常以水澆之必數條

俱生留三四條茂者削去枝梢其枝必茂或栽插者長五六尺亦得

樹砧

增農桑輯要正月取樹本大如斧柯及臂者皆堪接謂之樹砧

種葵

增家政法正月可種葵山居要錄正月種葵臨時必燥曝葵子葵子雖終歲不沤然溼種者瘦而不

肥

接果木

增農政全書正月凡雨後宜接梨林檎棗柿栗桃梅李

栽樹

增農政全書正月栽樹為上時上  
半月栽者多結子南風不可栽

澆培

增農政全書正月下旬宜澆培石榴梨子海棠栗棗柿梅桃杏林檎胡桃

信水

增續文獻通考黃河自立春後東風解凍河邊人候水凡一寸則夏秋當至一尺頗為信驗謂之信

水

吹沙魚

增雨航雜錄鯊鮐也以皮有沙故名其小者大如指圓而長有墨點文能吹沙春正月輒至魚

之最先

至者

治蠹

原通考治果木蠹蟲正月間削杉木作釘塞其穴則蟲立死

占驗

愆候

原禮孟春行夏令則雨水不時草木蚤落國時有恐注巳之氣乘之也又行秋令則其民大疫歲風

暴雨總至藜莠蓬蒿竝興注申之氣乘之也又行冬令

則水潦為敗雪霜大摯首種不入注亥之氣乘之也集

說摯傷折也百穀惟

稷先種故云首種

太歲占

增史記天官書月所離列宿日風雲占其國然必察太歲所在在金穰水毀木饑火旱

監德

增史記天官書攝提格歲歲陰左行在寅歲星右轉居丑正月與斗牽牛晨出東方名曰監德色蒼

蒼有光其失次有應

見柳歲早水晚旱

雨占

原史記天官書從正月旦比數雨率日食一升至七升而極過之不占數至十二日日直其月占水

早為其環城千里內占則其為天下候竟正月注月一日雨民有一升之食二日雨民有二升之食如此至七

日又月一日雨正月水月三十日周天歷二十八宿然後可占天下

決八風

原史記天官書正月旦決八風風從南方來大旱西南小旱西方有兵西北戎菽為小雨趣兵

北方為中歲東北為上歲東方大水東南民有疾疫歲惡

人聲占

原史記天官書是日光明聽都邑人民之聲聲宮則歲善吉商則有兵徵旱羽水角歲惡

五穀占

原史記天官書旦至食為麥食至日昃為稷昃至舖為黍舖至下舖為菽下舖至日入為麻欲

終日有雨有雲有風有日日當其時者深而多實無雲有風日當其時淺而多實有雲風無日當其時深而少



實有日無雲不風當其時者稼有敗如食頃小敗熟五斗米頃大敗則風復起有雲其稼復起各以其時用雲色占種其所宜其雨雪若寒歲惡

蠶占

原史記天官書正月上甲風從東方宜蠶風從西方若旦黃雲惡

歲司

增淮南子以日冬至數來歲正月朔日五十日者民食足不滿五十日日減一斗有餘日日益一升有其歲司也

徵日風

增後漢書郎顗傳今月十七日戊午徵日也日加申風從寅來丑時而止丑寅申皆徵也不有

火災必當為旱注陽嘉二年正月又南方為徵故為火及旱也

偃月

原易飛候正月有偃月必有嘉王

四方風

增論衡天官之書以正月朔占四方之風風從南方來者旱從北方來者湛東方來者為疫西方來者為兵

方來者

霜占

增博雅正月有微霜八月浮雲不歸通考正月霜下著物見日不消小人在位君子在野五穀萬物

不實牛馬多疫死著木

凍損木枝讒行賢傷

氣占

原物理論正月朔旦四面有黃氣其歲大豐此黃帝用事土氣黃均四方竝熟有青氣雜黃有螟蟲

赤氣大旱黑氣大水正朔占歲星上有青氣宜桑赤氣宜豆黃氣宜稻增易說立春氣當至不至則多疾瘧

陰陽占

增物理論正月望夜占陰陽陽長即旱陰長即水立表以測其長短審其水旱表長二尺月影

長二尺以內大旱二尺五寸至三尺小旱三尺五寸至四尺調適高下皆熟四尺五寸至五尺小水五尺五寸

至六尺大水月影所極則正面也立表中正乃得其定

日食

增隋書天文志普通元年春正月丙子日有食之占曰日食陰侵陽陽不克陰也為大水其年七月

江淮海溢

占赦

增唐書五行志寶歷元年正月乙卯流星出北斗樞星光燭地入濁占曰有赦

三白

原朝野僉載正月三白田公笑赫赫西北人諺曰要宜麥見三白增蘇軾喜雪詩行當見三白拜舞

謹萬歲歸來飲君家酣詠追既醉楊萬里上元前大雪即晴詩臘前三白已奇絕年後六花仍作團今歲上元

君記取紅燈白月雪中看

麻熟

增談苑禪師惠南嘗言上元一夕晴麻小熟兩夕晴麻中熟三夕晴麻大熟絕有驗

太史占

增古史考元日太史占氣候以知水旱吉凶隨分野書之

三亥

原周益公日記正月逢三亥桑田變成海是歲壬辰正月初六丁亥十八巳亥三十辛亥歲有年癸

巳正月亦三亥則立春

在逢亥之後是歲大水

雲露

增陸游詩米賤知無益雲露又主豐自註開歲微陰不雨法當有年

星出東井

增玉海雍熙二年正月壬戌有星出東井其大倍於金星至輿鬼沒占云四表來貢是歲

占城邛部川蠻

西南蕃來貢

農丈人星

增玉海祥符四年正月巳丑司天言農丈人星見主歲豐

五星同色

增玉海祥符六年正月癸巳朔五星同色占曰天下兵偃

江水占

增研北雜志揚子江中沙田田戶每歲旦取一甌以稱水水重則是年江水大水輕則水小歲

差歲不

田本命

增研北雜志世謂正月三日為田本命浙西人謂之夏正三言夏正之三日俗以是日稱水以

重為上有

年極驗

鴉卜

增潛居錄巴陵鴉不畏人除夕婦女各取一隻以米果食之元旦各以五色縷繫於鴉頸放之視其

方向卜一歲吉凶占云鴉子東興女紅鴉子

西喜事臨鴉子南利桑蠶鴉子北織作息

秋收占

原黃帝占正月二十日為秋收日晴主秋成百果蕃茂

夏糶占

增師曠占五穀貴賤法常以正月朔占夏糶風從南來東來者皆賤逆此者貴

立春雨

增師曠占立春  
日雨傷五禾

占五穀

增師曠占正月甲戌日大風東來折樹者穀熟  
甲寅日大風西北來者貴庚寅日風從西來者

皆貴

一日得子

原東方朔占書甲子蟲災桑穀貴丙  
子早戊子收庚子虎狼多壬子綿貴

一日得寅

原東方朔占書甲寅穀畜貴丙寅油鹽貴戊  
寅壬寅穀先貴後賤庚寅穀畜貴如上旬內

先得丙寅雨少夏至雨多  
戊寅秋雨多壬寅冬雨多

一日得卯

原東方朔占書乙卯荆楚米貴丁卯周秦米  
貴己卯燕趙米貴辛卯韓魏米貴癸卯宋魯

米貴

一日得申

原東方朔占書歲首得甲申五穀收丙申穀損蟲食菜戊申六畜災壬申澇

人日占

原東方朔占書人日歲後七日是其日晴所生之物育陰則災

上旬得甲

原東方朔占書三日得甲為上歲四日中歲五日下午歲月內有甲寅米賤

上旬得辛

原東方朔占書一日得辛旱二日小收三四日主水麥半收五六日小旱七分收八日歲

稔一云春旱不收又一日辛麥收十分二日禾蠶收三

日四日田蠶全收五日六日麻粟麥蠶半收七日八日

旱禾麻麥粟

少收絲貴

上旬得卯

原東方朔占書一日得卯主禾十分收二日低田半收三四日大水五日六日半收七日

八日春

澇全收

上旬得辰

原東方朔占書一日得辰雨多二日風多先旱半熟低田全收七月雨多麻豆全收三日

雨晴勻四日收七分五日歲稔六日大稔七日水損田

蕎麥收八日先旱後澇九日大麥收仲夏水災十日旱

禾半收十一日五穀不收冬

大雪十二日冬大雪五穀收

上旬得酉

原東方朔占書一日二日得酉大豐三日四日民安五日至十日中歲民不安十一十二

日歲大熟

三子

原東方朔占書月內有三子葉少蠶多無三子則葉多蠶少

三卯

原東方朔占書月內有三卯宜豆無則早種禾

雨水節占

原陶朱公書雨水後陰多主少水高下大熟雷多主人民不安月蝕粟賤虹見主七月穀



貴

落燈夜

原陶朱公書十六日謂之落燈夜晴主高低皆熟東南風水鄉好西北風主旱

秤水占

原陶朱公書正月上旬稱水卜十二月之水旱初一起用一瓦瓶每朝取水稱之重則雨多

輕則雨少  
初二占二月初一占正月餘做此

桑葉占

增陶朱公書占桑葉貴賤只看正月上旬木在一日則為蠶食一葉為甚貴木在九日則為蠶

食九葉

為甚賤

土牛占

增田家五行春牛占歲事頭黃主熟又專主菜麥大熟青主春多瘟赤主春旱黑主春水白主

春多風身色主上鄉蹄色主下鄉

入門風

原田家五行正月十六日喜西  
南風為入門風主低田大熟

照庭火

原農桑撮要北方莊家正月元旦夜束高長草  
把燒之名照庭火伺燒將過看向何方倒所向

之方其  
年必熟

上八日

增農政全書上八日宜晴此夜若雨元宵亦  
雨諺云上八夜弗見參星月半夜弗見紅燈

月暈占

增荊州占月以正月三日暈所宿國小熟一二  
日暈土功八日九日十六日夜有暈者其年三

月有德合十日夜暈大旱十二日夜暈蜚蟲多死二十  
三日二十四日暈五穀不成二十五日夜暈泉貴通考

正月丙丁日暈旱戊巳日暈大水土功  
起庚辛日暈大兵壬癸日暈江河決溢

月食

增武密占正月月蝕有災旱一日賤人災  
齊國大旱米貴通考正月月蝕秦國大旱

雪報

增嘉定縣志立春後遇火日落雪則後一百二十日必有疾風驟雨謂之雪報

立春日占

原臞仙神隱立春無風民安蠶麥十倍東風吉人民安果穀盛

量日影

原占驗書正月初八日午時立丈竿量日影過竿大水九尺平和八尺瘟六尺七尺雨水頻五

尺四尺風損禾三尺蝗二尺一尺旱饑

量月影

增通書上元夜豎一丈竿候月影月午影至七尺大旱原丹鉛續錄吳下田家以正月八日夜立一竿

於平地月初出有影即量之據其長短移於水面就橋

柱畫痕記之梅雨水漲必到所記之處

上旬子日

原通書上旬子日占歲事舊云甲子豐年丙子旱戊子蝗蟲庚子叛惟有壬子水滔滔俱

在正月  
上旬看

元日雲

原便民書東方有青雲人病春多雨白雲八月

貴通考四方有雲黃為熟青為蝗赤為  
旱白為兵東井上有雲歲澇宜高田

春朝風

原便民書立春日東北風主晴雨  
時若東南風主旱西北風主水

元日占

原便民書元日晴和無日色主有年日有暈主  
小熟有雷主一方不寧有電人殃霞氣主蟲蝗

蠶少婦人災果蔬盛有霜主七月旱禾苗吉有霧主桑  
貴而民疾有雪主夏旱秋水如未過立春而元日雪主  
大有年通考歲旦天色晴朗氣候溫和主民安國泰五  
穀豐登人少病犧牲旺寇盜息類占正朔之日天氣和  
潤風不鳴條兼有雲迎送出入者歲美無疾朔日晚至  
連三日內無風雨而陰和不見日色者主一歲大美增

陶朱公書元日有雷禾麥皆吉有雪夏秋大旱日出時有紅霞主絲貴天晴為上西北風主米貴每月如之諺云歲朝東北五禾大熟壬癸亥子之方謂之水門其方風來主水諺云歲朝西北風大雨定妨農西南風主米貴東南及南風皆主旱

### 歲朝春

原通考凡元日立春主民大安諺云百年難遇歲朝春

### 看參星

原通考正月初八夜看參星在月西約丈許以下謂之參得過以上謂之大過主大旱在月東

謂之參不  
過主水

### 上元日占

原通考上元日晴主一春少雨又宜百果諺云上元無雨三春旱又云雨打上元燈雲罩

中秋月又上元初日占百果中日晚稻末日早稻諺云雨打上元燈早稻一束草

上元霧

增通考正月  
上元霧主水

上元風

增通考上元東風夏米平南風米貴主旱西風  
春夏米貴桑葉貴北風水滯東北風水旱調大

熟東南風禾麥小熟西北風有水  
桑葉賤西南風春夏米貴蠶不利

甲子春

增探春歷記甲子日立春高鄉豐稔水過岸一  
尺春雨如錢夏雨調勻秋雨連綿冬雨高懸

元日干占

原羣芳譜元日值甲穀賤乙穀貴丙四月旱  
丁絲綿貴戊米麥魚鹽貴己米貴蠶傷多風

雨庚田熟辛米平麥麻貴壬絹布豆貴米麥平癸  
主禾傷多雨一說元日值戊主春旱四十五日

元日忌

增遵生八牋正月朔忌北風主人民多病忌大  
霧主多瘟災忌雨電主多瘡疥之疾忌月內發

電主人民多殃七日忌風雨  
主民災忌行秋令主多疫

# 雜紀

始皇生

原史記始皇紀始皇以秦昭王四十八年正月生於邯鄲及生名為政注徐廣曰一作正宋忠

云以正月旦

生故名正

越裳獻雉

增漢書平帝紀元始元年正月越裳氏重譯獻白雉一黑雉二詔使三公以薦宗廟

剛卯

原漢書正月剛卯注剛卯以正月卯日作佩之長三寸廣一寸四方或用玉或用金或用桃著草帶

佩之銘其一面曰正月剛卯增嬾真子錄關中王君求

家有古物似玉長短廣狹正如中指上有四字非篆非

隸上二字乃正月也下二字不可認問之云前漢剛卯

字也漢人以正月卯日作佩之銘其一面曰正月剛卯

蓋剛者強也卯者劉也

正月佩之尊國姓也

木連理

增後漢書安帝紀元初三年正月東平陸上言木連理宋書符瑞志太元十九年正月丁亥華

林園延賢堂西北李樹連理又宋武帝

大明七年正月己酉珊瑚連理出鬱林

三公卦

增後漢書郎顗傳正月三日至乎九日三公卦注凡卦法一為元士二為大夫三為三公四為

諸侯五為王位六為宗廟音義云分卦直日之法爻主一日即三日九日竝為三公之日也

隔雲母屏

增後漢書鄭宏傳元和元年代鄧彪為太尉時舉將第五倫為司空班次在下每正朔朝

見宏曲躬而自卑帝問其故遂聽置雲母屏風分隔其間由此以為故事

上東門

增李尤上東門銘上東少陽厥位在寅條風動物月值孟春

笙音

增說文笙正月之音物生故謂之笙十三簧象鳳之身



青龍見

增魏志明帝紀青龍元年春正月甲申青龍見

年改摩陂為龍陂晉書武帝紀泰始五年春正月青龍二見於滎陽

被妖邪

增西京雜記賈佩蘭說在宮內時正月

襃鬼鳥

原荆楚歲時記正月夜多鬼鳥度家家搥牀打

天地女一名隱飛鳥一名夜行遊女好取人女子養之

卦首艮

增帝王世紀連山易其卦以純艮為首艮為山

月為正人統艮漸

銅龍樽

增西征記太極殿中有銅龍長三丈銅樽容三

神雀集

增宋書符瑞志漢宣帝五鳳三年正月神雀集京師

神魚躍

增宋書符瑞志漢章帝元和三年正月車駕北巡以太牢具祠北岳有神魚躍出十數玉海景

龍三年春正月明皇至於襄垣漳水有赤鯉騰躍聖皇之瑞也潘炎漳河赤鯉賦魚在在藻兮躍於中流吾君

戾止兮樂我王遊

木屑覆地

增世說陶公作荊州時勅船官使鋸木屑不限多少悉藏之時咸不解此意後正會值積

雪會日始晴廳事前除雪地甚濕於是悉用木屑覆都無所妨

辭登御牀

增世說元帝正會引王丞相登御牀王公固辭中宗引之彌苦王公曰使太陽與萬物同

輝臣下何以瞻仰

共帶橘

增梁書元帝紀大寶元年正月朔左衛將軍王僧辯獲橘三十子共帶以獻

御二龍

增南史謝舉傳為太常博士與兄覽俱預元會江淹一見竝相欽挹曰所謂御二龍於長途者

也

山稱萬歲

增魏書禮志文成皇帝即位三年正月遣有司詣華岳修廟立碑數十人在山上聞虛中

若音聲聲中稱萬歲云

醴泉涌

增魏書靈徵志太和八年正月上谷郡惠化寺醴泉涌醴泉水之精也味甘美王者修治則出

天橋成

增南燕錄慕容德正月渡黎津流澌冰合鄴令韓軌言於德曰昔光武渡滹沱冰澌自合今大

王濟河天橋自成德乃大悅

鳩入武帳

增三十國春秋晉永康九年正月大會  
有鳩入御座武帳中拂司空張華之冠

端月

原玉燭寶典秦始皇名政故避正字以正月為端  
月以正字作平聲音征增楊文公談苑仁宗朝王

珪上言請以正月為端  
月謂與上名音相近也

寶鏡氣

增古鏡記正月朔旦有胡僧行乞而至王勣覺  
僧神彩邀入具食僧謂勣曰檀越家似有絕世

寶鏡也

勣曰何以知之僧曰檀越宅上每日有碧光連

日絳氣

屬月此寶鏡氣也勣出之僧曰此鏡有數種靈

相應

照見腑臟但以金煙薰之玉水洗之復以

金膏珠粉

拭之藏之泥中亦不晦矣行之獲驗

探春宴

增開天遺事都人士女每至正月半後各乘車  
跨馬供帳於園圃或郊野中為探春之宴孟郊

長安早春詩探春不為桑探春不為麥日日出西園祇  
望花柳色晏殊探春詞昨日探春消息湖上綠波平無

奈繞堤芳草還向舊痕生蘇軾探春詞昨日出東城試  
探春情墻頭紅杏暗如傾檻內羣芳芽未吐早已回春  
鄭獬探春詞江上探春回正值早春  
時節兩行小槽雙鳳按涼州初徹

羶殿

增通典魏文帝權都許昌宮殿狹小元日  
於城南立羶殿青幃以為門設樂饗食

一止月

原嘉話錄梁朝誌公大師有語曰兩角女子緣  
衣裳却背太行邀君王一止之月必消亡兩角

女子安字綠者祿字也太行山也一  
止正月也果以至德二載之正月驗

聽樂知慶

原白帖裴知古善樂律神龍元年正月享太  
廟樂作知古密謂萬年令元行冲曰金石諧

婉將有大慶在唐室予  
孫乎是月中宗復位

長生花

原酉陽雜俎北朝婦人  
以正月進箕帚長生花

帝女桑

原廣異記南方赤帝女學道得僊居高陽嶠山桑樹上正月一日銜柴作巢至十五日成或作

白鵲或作女人赤帝焚之女即升天因名帝女桑今人

至十五日焚鵲巢作灰汁浴蠶子招絲象此也增元萬

頃春日詩花輕蝶亂僊

人杏葉密鶯啼帝女桑

天下太平

增宋史五行志太平興國六年正月瑞安縣民張度解木五片皆有天下太平字玉海天

禧元年正月丙寅韶州

獻瑞木文曰天下太平

傾筐會

增清異錄閩甘露堂前兩株茶鬱茂婆娑宮人呼為清人樹每春初嬪嬙戲摘新芽堂中設傾

筐會

黃綿襖子

原道山清話何斯舉作黃綿襖子歌其序言正月大雨雪十日不已既晴鄰里相呼負日

曰黃綿襖  
子出矣

# 藍尾酒

原容齋四筆白樂天元日對酒詩云三杯藍尾酒一榼膠牙餚藍尾之義殊不可曉河東記載

申屠澄與路旁茅舍中老父嫗及處女環火而坐嫗自外挈酒壺至曰以君冒寒且進一杯澄因揖遜曰始自主人翁即巡澄當藍尾蓋以藍為婪當婪尾者謂最在後飲也

# 冰眼釣魚

增演繁露達魯河東與海接歲正月方凍其釣魚也王與其母皆設次冰上先使人於河

上下十里間以毛網截魚令不得散逸又從而驅之其牀前預開冰竅四各為冰眼中眼透水旁三眼環之不透第斲減令薄而已薄者所以候魚而透者將以施釣也魚之將至伺者以告遂於斲透眼中用繩鈎擲之無不中者謂之得頭魚頭魚既得遂相與出冰帳於別帳作樂上壽

歲懺

增范成大吳郡志俗競節物好遊歲首即會於佛寺為歲懺

賣春困

增陸游歲首書事詩賣困兒童起五更自註立春未明相呼賣春困亦舊俗也

買春困

增陸游乙丑元日詩惟思買春困熟睡過花時自註俗有賣春困者予老憊思睡故欲買之耳

響卜

增曲洧舊聞王建集有聽鏡詞近世人懷杓以聽亦猶是也又有無所懷而直以耳聽之者謂之響

卜往往而驗曾叔夏尚書應舉時方待省榜元夕與友生皆出聽響卜至御街有士人緩步大言誦東坡謝表曰彈冠結綬共欣千載之逢曾聞之喜遂疾行其友生至則聞曰掩面向隅不忍一夫之泣是歲曾登科而友

生果被黜

春月勝秋

增事文類聚元祐二年正月東坡在汝陰堂前梅花大開月色鮮霽王夫人曰春月色勝



如秋月月色秋月色令人慘悽春月色令人和悅先生大喜曰吾不知予能詩耶此真詩家語矣元稹春月詩春月雖至明終有靄靄光不似秋冬色逼人帶寒霜

看牛

增遊宦紀聞三山之俗立春前一日出土牛於鼓門之前若晴明自晡後達旦傾城出觀巨室或乘轎旋繞相傳云看牛則一歲利市

飛純

增溪蠻叢笑土俗歲節數日野外男女分兩朋各以五色綵囊豆粟往來拋接名飛純

辟兵法

增西溪叢語靈竒秘要辟兵法正月上寅日禹步取寄生木三呪曰喏臯敢告日月震雷令人

無敢見我我為大帝使者乃斷取五寸陰乾百日為簪二七循頭上居衆人中人不見

溫湯碑

增玉海唐貞觀二十二年正月戊戌幸溫湯癸卯御製溫湯碑示羣臣

獻歌舞

增玉海建隆二年正月乙酉上御明德門觀燈宴從臣江南吳粵使皆與樓前設燈山火木露

臺張樂陳百戲外國客各獻本國歌舞遂賜以酒食

合歡竹

增玉海祥符九年正月癸亥蜀州獻合歡竹圖

芝草圖

增玉海天禧二年正月庚子內出真遊崇徽二殿芝草圖上作歌一首五七言詩二首

寶奎殿

增玉海慶歷二年正月辛未詔以大相國寺新修太宗御書為寶奎殿摹太宗御書寺額於石

上飛白題之命宰臣呂夷簡撰記章得象篆額樞密使晏殊撰御飛白書記

驚鬼

原遼史禮志正旦國俗以糯飯和白羊髓為餅丸之如拳每帳賜四十九枚戊夜各於帳內窓中擲

丸於外數偶動樂飲宴數奇令巫十有二人鳴鈴執箭繞帳歌呼帳內爆鹽爐中燒地拍鼠謂之驚鬼居七日

乃出

進慶雲圖

增金史天文志興定五年正月山東行省蒙古綱奏慶雲見命圖以進

牡丹新瓜

增五雜俎大內進御每以非時之物為珍元旦有牡丹花有新瓜古人所謂二月中旬已

進瓜不足道也

斷蜒蚰

增瑣碎錄打春時取春牛泥撒在簷下蜒蚰不生

攀牆

增瑣碎錄元日日未出時小兒不長者以手攀東牆勿令人知

諱正為初

原通考晉王羲之之先諱正故法帖中謂正月為初月其他正字以初代之

塞鼠穴

原通考正月上辰塞鼠穴則無鼠

繞塔

增帝京景物畧旦至三日男女皆於白塔寺繞塔江盈科詩走馬燕臺遊客聚戴花繞塔女郎趨

天燈

增帝京景物畧元旦至晦日家家竿標樓閣松栢枝蔭之夜燈之曰天燈

抓子兒丸

增帝京景物畧是月也女婦閒手五丸且擲且拾且承曰抓子兒丸用象牙銀礫為之以

競輕捷

黃河九曲燈

增帝京景物畧十一日至十六日鄉村人縛秫秸作棚周懸雜燈地廣二畝門徑詰

曲藏三四里入者誤不得逕即久迷不出曰黃河九曲燈

把忌

增續文獻通考苗人以元日為把忌閉門不出二七而解

踏青

增燕都遊覽志大佛寺在西直門北三里寺後有高阜積土甃石為之廣袤幾二里山上有真武祠

踏青士女正月  
必先至其地

燃燈供佛

增法苑珠林律師問天人曰蜀地漢州三學山寺空燈常照因何而有答曰山有菩薩寺

迦葉佛正法時初立有歡喜王菩薩造之寺名法燈自彼至今常明空表故至正月處處燃燈以供佛寺

仙官授書

增仙鑑黃庭真人王探字養伯太原人也年九十一歲以漢武帝元朔六年戊午正月西

靈金母遣仙官下迎授書為太極真人

駕河車

原內丹秘訣泰三陽之卦斗杓建寅之月陽出地喻身三陽上升當急駕河車搬歸鼎內

存帝君法

增雲笈七籤存帝君法常以本命日或正月一日或以六戊日日正中時冠帶入室北向

再拜  
呪

禮歲星

增遵生八牋道藏經曰欲滅尸蟲春正上甲乙日視歲星所在焚香朝朝禮拜誠心祝曰臣願

東方明星君扶我魂接我魄使我壽命綿長如松柏願臣身中三尸九蟲盡消滅頻頻行之吉

晉正月折楊柳歌

增春風尚蕭條去故來入新苦心非一朝折楊柳愁思滿腹中歷亂不可

數

李賀正月樂詞

增上樓迎春新春歸暗黃著柳宮漏遲薄薄淡靄弄野姿寒綠幽風生短絲錦

牀曉卧玉肌冷露臉未開對朝暝官街柳帶不堪折早晚菖蒲勝綰結

御定月令輯要卷五

謹案第十六頁後五行舍利從西方來刊本舍訛

舍今改

第二十四頁前一行軒磻隱司刊本軒訛軒據文

選改

第七十七頁後一行舞羽歛齋刊本齋訛舞據周

禮改

第八十二頁前七行訛理功能德法者刊本理功

能訛能功理據大戴禮改







覆校官助教臣金學詩  
校對官編修臣閔惇大  
膳錄貢生臣王廷樞